

四庫全書

史部

欽定四庫全書

欽定大清一統志卷五十一

江寧府二

古蹟建康故城

在上元縣南秦漢秣陵縣地三國吳志建安十六年孫權移都秣陵明年

改秣陵曰建業因置縣二十五年權都武昌以呂

範領丹陽太守治建業黃龍元年權還都建業晉

書志武帝平吳以為秣陵太康三年分秣陵北為

建業又改業為鄣愍帝立避諱改建鄣為建康元

帝紀永嘉初鎮建業建武元年立宗廟杜稷於建

康李吉甫元和志建康故城在上元縣南三里樂

史寰宇記建康縣初置在宣陽門內晉咸和三年

燬移入苑城六年又徙出宣陽門外御街西唐貞

觀七年移江寧縣還舊郭上元二年以童謠改為上元光啟三年徙於鳳臺山西南一里今移在司會府王象之輿地紀勝建康舊城在北去秦淮五里楊溥時徐溫改築稍遷近南史淮帶江以盡地利史正志建康志上元縣宋初遷司會府今府治之東建炎初徙今志在城東隅建郭故城在吳冶城東景定元年大使馬光祖繞城浚濠明初建為京師益廓而大之舊志南朝故都城周二十里有門十二正南曰宣陽門晉太寧二年王敦將沈充錢鳳渡淮突犯宣陽門梁太清二年侯景渡朱雀航入宣陽門是也宣陽之東曰平昌門又東曰開陽門正東曰東陽門東陽之南曰清明門北曰建春門後改曰建陽門齊明帝末王敬則起兵以奉南康侯子恪為名子恪從吳郡自歸建陽門是也正西曰西明門一名白門宋元嘉二年徐羨之承詔至西明門外梁敬帝時徐嗣徽逼建康陳霸

先出西明門大敗之是也西明之南曰廣陽門梁  
大同七年吏部尚書蔡搏除交趾并韶為廣陽門  
郎西明之北曰閭闔門北面之東曰廣莫門晉咸  
康初石虎遊騎至歷陽帝觀兵於廣莫門以備之  
齊崔慧景之亂自鍾山西巖而下入廣莫門是也  
西曰大夏門又自晉以來于秦淮南北兩岸設羅  
門五十六所謂之郊門亦曰離門齊永元初始安  
王遙光舉兵東府城詔左興威屯東離門明年崔  
慧景作亂復造左興威拒之于北離門又蕭衍東  
下至新林分遣陳北之等據西離門是也隋平陳  
盡廢五代徐知誥復廣金陵城為八門建康志府  
城八門由尊賢坊東出曰東門由鎮淮南出曰南  
門由武衛橋西出曰西門由清化市而北曰北門  
由武定橋沂秦淮而東上水門由飲虹橋沿秦淮  
而西出折柳亭前曰下水門由斗門橋西出曰龍  
光門由崇道橋西出曰柵寨門

按晉自元帝渡

江以後諸城門皆用洛陽舊名建康寶錄都城三重外重六門宣陽廣陽津陽清明西明後增置十二門李昭宮苑記南四門窠西曰陵陽後改廣陽正門曰宣陽稍東曰開陽後改津陽最東曰清明東面二門東曰東陽北曰建春後改曰建陽西面二門南曰閶闔北曰西明北四門西曰大夏中曰元武齊時改曰宣平稍東曰廣莫陳改北掖最東曰延熹與諸書所載門名互異今並存之 故

臺城

在上元縣治北元武湖側本吳後苑城晉書紀咸和三年蘇峻逼遷天子于石頭四年賊

將匡術以苑城歸順百官赴焉時宮闕灰燼以建平園為宮五年造新宮始繕苑城七年宮成遷焉自是亦謂之宮城隋平陳城邑皆毀元和志晉故臺城在上元縣東北五里咸和六年使王彬營造洪邁容齋隨筆世謂禁省為臺故為禁城為臺城輿地紀勝臺城本吳後苑城晉咸和中修繕為新

宮亦名建康宮在縣東北五里史正志建康志  
今胭脂井南至高樓基二里即古臺城之地盡  
為軍營及居民蔬圃明統志臺城在上元治東北  
五里鍾阜側其地據高以臨下舊志宮城周六里  
一百十步有門六南曰大司馬門東曰萬春門東  
華門西曰西華門大陽門北曰承明門所謂臺城  
六門也陳沂南都志今四十八衛以南元津橋大  
街以北即臺城故處乾隆二十七年

御翠華三幸  
製臺城詩

故宮城

在上元縣城內亦曰皇城五代史  
晉天福二年吳徐知誥建號以子

城為宮城陸游南唐書先主即金陵府為宮惟加  
鷗尾欄檻而已入宋仍為府治紹興二年命即府  
舊治修為行宮八年始設行宮留守王象之輿地  
紀勝在天津橋北即南唐宮也建康志皇城在府  
城中周四里二百八十步紹興二年即舊子城基  
增築有東南三門舊志宋行宮在今京城內大中

街元至元十五年折故宮材木輸之大都遺址僅存二十三年改為御史臺治至正十六年明太祖

入金陵建軍府于此尋為王府又建為皇宮後又改築皇城于東偏稱此為舊內故紫禁

城在上元縣城內東偏明太祖建當鍾山之陽宋元東城外二里鶯雀湖之地其西安門以北宮

牆即都城故址東出青溪橋處也本朝

祖南巡有

御

製金陵舊紫禁城懷古詩乾隆四十五年翠華五幸

御製江寧故白下故城在上元縣西北本名白石陂晉

宮城歌白下故城咸和三年陶侃討蘇峻至石頭

從部將李根言于白石築壘宋元嘉二十年閱武于白下昇明中蕭道成使李安民鎮白下治城隍

齊書南瑯琊郡本治金城永明元年徙治白下世祖以白下地帶江山故徙郡治之又永元二年

崔慧景率軍水路征壽陽軍頓白下帝出瑯琊送之舊唐志武德九年改金陵為白下移治白下故

城建康志今靖安鎮北有白下城故基去府城十八里胡三省通鑑注蓋卽金之龍灣丹陽

郡故城

在上元縣東南三國志建安二十五年孫權以呂範為丹陽太守治建業元和志丹

陽郡故城在縣東南五里寰宇記郡城在今長樂橋東一里南臨大路城周一頃晉太康元年所築

也黃元之金陵記今武定橋東南有長樂巷是其地陳沂南畿志東城角之內外皆是郡治湖

孰故城

在上元縣東南漢縣屬丹陽郡武帝封江都易王子胥行為侯邑後漢興平中孫策

破劉繇別將于梅陵轉攻湖孰江乘守下之尋省縣為典農都尉晉復置縣義熙九年罷臨沂湖孰

脂澤田以賜貧民宋元嘉二十三年後淮起湖孰廢田千頃陳大建十年以湖孰縣屬建興郡隋廢



元和志 湖孰故縣 在上元縣東南七十里 建康志  
今在丹陽鄉去縣五十里 淮水北古城 今猶存

懷德故城

在上元縣北 晉書元帝紀 大興三年詔  
曰先王君臨瑯邪四十餘年 今瑯邪國

人在此者 近有千戶 其立為懷德縣 統丹陽郡 以  
為湯沐邑 僂復之 宋書志 南瑯邪郡 所領無懷德

永初郡 國有費縣 治宮城之北 元嘉十五年 省費  
併建康 臨沂 寰宇記 費縣故城 在上元縣西北 九

里 南徐州記 即懷德縣 寄建康北境 及置瑯邪郡  
劉湖溝 為界 陳亡 廢建康實錄云 懷德縣城 蕪置

于宮城南 七里 後改為廢縣 移于臨沂古城 在上  
於城西北 三里 今在鍾山 鄉 无縣

東北 漢縣 在今山東沂州府 東晉 僑置于此 寰宇  
記 臨沂城 在縣東北 三十里 臨沂山 西北 臨大江

建康志 實錄云 縣城在舊江寧縣 江四十里 獨石  
山西 臨大江 今上元縣長寧鄉 攝山之西 白帝村

蓋即其地距秣陵故城在江寧縣東南秦置漢武帝元朔元年封江都易王

子纏為侯邑元牀四年為縣屬丹陽郡後漢建安

中孫權改置建業而故縣廢晉太康三年分淮水

南復置秣陵縣宋書志秣陵縣本治去京邑六十

里今故治材是也義熙九年移治今邑之闕場隋

書志平陳省秣陵縣入江寧括地志秣陵故

城在江寧縣東南五里元和志在縣東南四

里寰宇記故城在縣南五十五里秣陵橋東北

山謙之建康實錄秣陵城在故臺城南八里建

康志秣陵縣更名凡六秦改金陵為秣陵在舊江

寧縣東南六十里秣陵橋東北晉太康初復以建

業為秣陵即今上元縣三年分淮水南為秣陵義

熙中移於闕場栢社在江寧縣東南廢長樂橋古

丹陽郡是也元熙初又移治揚州參軍廨在宮城

南八里一百步小長干巷內梁末齊兵軍於秣陵

故治跨淮立柵當是其地景德二年置秣陵鎮在今江寧縣東南五十里江寧故城在江

寧縣西南六十里宋書志晉太康初分秣陵立臨江縣二年更名江寧寰宇記江寧縣隋開皇十年

移于治城唐武德九年移白下貞觀七年移還治城九年復曰江寧後改曰上元天祐十四年楊吳

析上元當塗復置江寧縣與上元縣皆在州郭故城在縣南七十里王存九域志縣有江寧鎮即故

縣也建康志南唐復置縣在州城西偏又西即吳治城宋初移郭下在城西北距行宮三百步句

容故城即今治漢置武帝元光六年封長沙定王子黨為侯邑章懷太子曰縣近句曲山山

有所容故名李吉甫元和志縣東北去潤州二百里晉元帝興於江左為畿內第二品縣王存九域

志在江寧府東九十里縣志有南城在縣南江乘五里又北城在縣東北八里皆南北朝時築

故城

在句容縣北秦縣史記始皇三十七年自會稽還過吳從江乘渡即此漢屬丹陽郡後漢

興平初孫策渡江自秣陵轉攻江乘宋書志吳省為典農都尉晉太康元年復立咸康元年改屬南

琅邪郡陳書紀大建十年以江乘屬建興郡隋平陳縣廢括地志故城在句容縣北六十里南

琅邪故城

在句容縣北晉書志元帝以江乘置琅邪郡宋書志晉亂琅邪國人隋元帝過

江千餘戶大興三年立懷德縣丹陽雖有琅邪相而無此地咸康元年桓溫領郡鎮江乘之蒲洲金

城上求割丹陽之江乘立郡去南徐州水二百陸一百去京都水一百六十窠宇記琅邪城在上元

縣東北六十里建康志琅邪城在江乘南岸今句容縣北有琅邪鄉即其地按此晉宋之琅邪郡

治也及齊永明六年徙治白下溧水故城即今治所謂琅邪城在今上元縣西北

縣南至宣州二百十五里開皇十一年宇文述割溧陽之西丹陽之東置橐宇記在昇州東南一百

二十 崇邑故城

在六合縣北春秋時楚棠邑後又屬吳左傳襄公十四年楚子囊師

於棠以伐吳又伍尚為棠邑大夫史記刺客傳專諸吳棠邑人是也漢高帝六年封陳嬰為堂邑侯

國後置縣晉時升為郡又改置尉氏而縣廢

廢魏郡

在上元縣界晉書志咸康四年僑置

魏郡廣川高陽堂邑等諸郡并所統縣並寄居京邑義熙元年劉裕以弟道憐領堂邑太守成石頭

十二年以高陽堂邑劉鍾領石頭成事七治亭宋初道憐子義欣歷青州刺史魏郡太守成石頭顧

野王輿地志晉僑置魏郡領肥鄉元城二縣後省元城又廣川郡領廣川一縣宋初省為縣屬魏郡

又高陽郡領北新城博陵二縣堂邑郡領堂邑一縣後省堂邑併高陽又省高陽併魏郡元嘉二十

年以其民併建康又義熙初劉裕弟道規為并州刺史義昌太守四年道憐代諸葛長民為并州刺史義昌太守戍石頭地志晉咸和後同夏廢縣在

橋立青并等四州後以青併合充

元縣東梁書武帝紀宋大明八年生於秣陵之同夏里三橋宅陳書大建十年以同夏縣屬建興郡隋平陳省入江寧寰宇記志元志云梁大同三年分建康之同夏浦舊有城今上元縣東十五里同夏浦舊有城今上元縣長樂鄉是其地胡三省通鑑注梁武以三橋舊宅為光宅寺在同夏里

### 建興廢郡

在江寧縣東南梁書天監四年置建興郡于秣陵建興里陳書大建十年罷義

州及琅邪彭城二郡立建興郡領建安同夏烏山江乘臨沂湖孰六縣輿地紀勝建興苑在秦淮南岸建康志南苑在瓦官寺東北梁改名建興苑按隋志不言建興郡所以廢當是平陳後省入丹

陽郡 安業廢縣 在江寧縣南新唐書志武德三年也 折江寧縣置丹陽安業二縣八年

省安業建康志安業折江寧深水置又小丹陽路在縣南與當塗縣接界舊志丹陽故縣在縣南八

十里又西南至 懷德廢縣 在江浦縣西劉宋置宋當塗八十里 書志秦郡懷德今孝武

大明五年立又以歷陽之烏江并此為二縣立臨江郡前廢帝永光元年省臨江郡懷德即住郡治

府志今懷德鄉在縣西 按此係宋所置之懷德屬秦郡蕭齊屬臨江郡東魏改屬臨滁郡後廢與

東晉大興三年所置之懷德 臨滁廢郡 在江浦縣縣在今上元縣北者不同 西北梁末

置屬譙州尋入東吳魏書志郡治葛城陳廢輿地紀勝古臨滁郡在清流縣東南五十五里之葛城

俗呼為羅城明初割屬今縣舊志有東葛城在江浦縣西北三十五里西葛城在縣西北四十里

廢齊郡

在合縣東南蕭齊置齊書志建元初徙齊郡治瓜步仍置臨淄縣為治梁廢陳大建

五年伐北齊克秦郡瓜步城即齊郡城矣舊志瓜步城在水步山之側

方山廢縣

在

合縣東隋書志開皇四年改尉氏曰六合省方山縣入焉舊志蓋齊周時所置在六合縣方山下

瓦梁廢郡

在六合縣西陳書大建五年北伐瓦梁城降隋書志六合有後齊置瓦梁郡陳

廢舊志南唐時於涂水上立東西瓦梁城即今之瓦梁壘在縣西五十五里西北距滁州八十里東

西二城餘址尚存王象之輿地紀勝云有吳王城在縣瓦梁埕高岡之上有四壁即孫權分兵屯守

之城

石頭城

在上元縣西石頭山後漢建安十六年孫權徙治秣陵明年城石頭晉太

康初伐吳王濬帥舟師過三江入石頭東晉咸和三年蘇峻入京師逼遷帝於石頭以倉屋為宮元



熙初劉裕以其子義真為揚州刺史鎮石頭宋永  
光元年以石頭城為長樂宮泰始初罷昇明初袁  
粲鎮石頭為蕭道成所殺三年道成封齊公以石  
頭城為其世子宮梁敬帝初王僧辯立蕭淵明為帝  
仍屯石頭陳霸先自京口襲之陳禎明二年大風  
自西北激濤水入石頭城隋開皇九年平陳毀建  
康城邑更於石頭置蔣州唐武德四年為揚州治  
八年建揚州大都督府治馬明年揚州移治江都  
此城遂廢建中四年朱泚亂江東觀察使韓滉築  
石頭五城亦又于城中穿井皆百尺元和志石頭城  
在上元縣西四里即楚之金陵城也吳改為石頭  
宋張舜明曰石頭城天生城壁有如城然在清涼  
寺北覆舟山上江行自北來者循石頭城轉秦淮  
陸遊曰龍灣望石頭山不甚高然峭立江中繚繞  
如垣牆清涼寺距石頭里許西望即宣化渡及歷  
陽諸山也乾隆二十二年

翠華再幸  
御製石城歌詩

冶城

在上元縣西葢敦頤六朝事迹本  
吳冶鑄之所因以為名寰宇記晉

王導疾方士戴洋云君命在申而申地有冶金火  
相燦不利遂移冶城於石頭城東以其地為冶城

圍古冶城在上元縣西五里隋開皇九年移江寧  
縣治冶城輿地紀勝嘉定中制帥黃度即冶城山

建冶城樓為一郡登覽之勝黃元之金陵記冶城  
即今府治西北朝天宮楊吳之紫極宮宋之天慶

觀也又有冶亭晉義熙十二年劉裕以高陽內史  
劉鍾領石頭戍事屯冶亭又有東冶亭宋元嘉六

年王裕之辭尚書令東還車駕幸東冶亭餞送胡  
三省通鑑注在半山寺後六朝事迹東冶亭在汝

南灣為士大夫餞送處  
西州城 在上元縣西晉揚州刺史治  
所太元十年謝安還都輿病

入西州門安薨後所知羊曇行不由西州路嘗大  
醉不覺至州門因慟哭而去宋初徐羨之治西州

高祖每思之即步出西掖門往見焉孝建中西陽王于尚為揚州時熒惑守南斗帝乃廢西州舊館

使子尚移居東府城西州竟廢齊建元三年詔南郡王長懋自石頭移鎮西州永明元年竟陵王子

良為揚州刺史鎮西州元和志揚州故理在縣東百步孫策定江東置揚州于建業其州廨王敦及

王導所創也後會稽王道子於東府城領州故號此為西州寰宇記古揚州城東至西州橋西至冶

城周廻三里今江寧縣城在其西偏胡三省通鑑注揚州治所在臺城西故謂之西州舊志在上元

縣西二里今武衛橋即東府城在上元縣東晉簡古西州橋城當在其處文為王時舊第後

為會稽王道子宅太元中道子領揚州以為治所使嬖人趙牙築山穿池列樹竹木帝嘗幸之義熙

中劉裕自石頭還鎮東府宋景和二年以東府城為長樂宮秦始初罷元徽五年蕭道成備法駕詣

東城迎立順帝道成移鎮東府及道成封齊王以東府為齊宮齊建元二年子凝為揚州刺史鎮東府元和志東府城在上元縣東七里其地西則簡文為會稽王時邸第東則會稽王道子府家宇記東府城在縣東二里建康志城在青溪橋東南臨淮水周三百九十步去臺城四里梁紹泰末焚毀陳天嘉中更徙治城東三里西臨淮水陳亡廢輿地志東府城安帝時築宋以後常為宰相府第每建康有事必置兵

**古檀城** 在上元縣東顧野王輿守此亦謂之東城 地志本謝元別墅謝安與元爽基勝之宋屬檀道濟因以為名建康志在墅城東八里地圖謂之城子墅今清風鄉有城子村在黃城橋之西即

**白城** 在上元縣東梁書紀武其地去府城四十里 帝起兵向建康使王茂斜趨白城又紹泰二年徐嗣徽引齊兵自丹陽步上陳霸先拒之于白城胡三省通鑑注城在湖孰

縣界府志今有白山在府東北三十里南接鐘山白城當在其地  
宣武城在縣西北

亦謂之宣武堂窠宇記宣武城在縣西北九里輿地志云宋大明三年沈慶之所築帝闈武於其地

亦謂武帳因陳亡廢胡三省通鑑注江左從洛都之制築宣武場於臺城北  
白馬城在上

元縣北建康志在故江寧縣北三十里吳時烽火之所金陵故事吳時沿江烽火臺二所一在石城

左一在  
五城在上元縣東南晉太寧初王敦黨王  
白馬城  
含錢鳳戰敗率餘黨自柵塘西置五

城造營宋大明五年使劉延孫于五城受封版建康志在府城東南二十五里唐景雲中縣令陸彥

恭于城側造橋渡秦淮亦名五城渡又唐德宗時韓滉築石頭五城自京口至土山舊志在縣西

輔公柘城  
元和志在上元縣東七里本齊文惠太子苑地武德七年公柘搆亂築以為城

其年趙郡王孝恭平之城遂毀廢與地紀越城在江勝傳望苑在子城東七里即轉公拓城

寧縣南晉至寧二年王敦遣王含錢鳳奄至南岸

溫嶠遣段秀乘夜渡水戰于越城大破之義熙六

年盧循至蔡洲劉裕修治越城使王仲德屯守梁

天監七年作國門於越城南窠宇記故越城在江

寧縣西南七里越相范蠡所築在今瓦官寺東南

國門橋西北建康志古越城一名范蠡城圖經云

在林陵縣長千里今江寧縣尉廨後遺址猶

在俗呼為越臺通志在聚寶門外報恩寺西捍國

城在江寧縣南史梁承聖初侯景於大航跨水而

築城名曰捍國建康志在聚寶門外古大航侯

景城在開化城建康志在江寧金城在句容縣北

其南桓溫出兵鎮江乘之金城後溫北伐見為琅琊時

所種柳皆十圍數曰木猶如此人何以堪攀枝執

注然流涕太元八年謝元等破苻堅師旋謝安勞于金城輿地紀勝金陵覽古云今城在縣北四十

五里建康志金城吳築今上元縣金陵鄉地名金陵成即其地接齊書志南瑯琊郡本治金城是齊

永明以前金城即瑯琊城也建康志云瑯琊城在府城東北六十三里金城在府城東二十五里又

似兩地今竹里城史建康志在句容縣北六十里姑存之東陽鎮東二十五里齊永元中

張佛護等拒崔慧景時所築杜城建康志在溧水縣南十二里環地四百餘步隋大業末杜

伏威屯固城在高淳縣南三十里窠宇記溧水縣軍于此有古固城建康志固城春秋時吳潁

渚縣漢溧水縣治在焉紹興中得後漢溧陽校官碑于固城湖旁故知為漢縣治開化城

在高淳縣南五十里窠宇記在固城茅城在高淳東去溧水縣九十里即溧水舊縣南二

十里相傳三皇妣城在高淳縣東南六十里史正志建康志在溧水縣南百十

茅煉丹處

里大竹城在高淳縣東六十里建康志在溧水縣東南七十里環地二里高五尺舊志今

固城渡有薛城在高淳縣西十五里俗傳元末有邢光輔者築此以禦寇明初以城

竹城圩

以城來歸今遺址尚存浦子口城在江浦縣東二十五里本六合

縣地明洪武元年設廵司于此四年築城周十四里有奇九年析六合及滁和二州地置江浦縣二

十四年又割江寧一鄉隸黃龍城在江浦縣西曹

之尋移治贛口山即今始

城在江浦縣西南三十里胡墅城在六合縣東梁敬

兵披石頭城齊遣崔子崇等于胡墅渡米載馬以濟之陳大建十三年周羅暉攻隋胡墅拔之明年



歸胡墅於隋以請和舊志城在晉王城通志在六合縣宣化

鎮隋晉王廣伐陳盤城通志在六合縣字城山側築此對石頭城下有宋步軍司徒及寨

賴鄉在江寧縣西南三國志吳孫登傳登晝夜兼行到賴鄉自開即時召見齊書祥瑞志永明

六年江寧縣北界賴鄉齊平里邏門外太常蕭惠基園榦樹二株連理合為一樹枝葉繁茂圓密如

蓋即長千里在江寧縣南吳都賦長干延屬晉書元興中謠曰長干巷長干今年殺

郎君明年斬諸桓既而桓元敗死又選註江東謂山間為干宋史曹彬下江南登長干北望金陵輿地

紀勝長干是秣陵縣東里巷名建康南五里有山岡其岡平地為瓦庶雜居有大長干小長干小長

干在瓦官南巷西頭出江漲敦願六朝事迹長干秣陵縣里巷名江東謂山隴之間曰干又天禧寺

在城南門外舊名長干寺乃大  
長干也通志今報恩寺大道  
華里 在江寧縣西  
南吳志孫皓

建衡三年舉大衆出華里  
皓母及妃妾皆行東  
觀今華覈等固爭乃還  
通鑑注華里在建業西  
烏

榜村

通志在上元縣天慶觀西  
慶元志初立西  
州城未有籬門樹烏梅而已故以名村

古

永昌亭

在上元縣東吳志孫休傳孫亮廢孫綝使  
孫偕董朝迎休休行至曲阿進及布塞亭

百僚以乘輿法駕迎於水昌  
亭築宮以武帳為便殿即此

古征虜亭

在上元縣  
東晉書謝

萬嘗與蔡系送客於征虜亭又殷浩徙東陽泊船  
征虜亭通鑑注征虜亭在方山南自元武湖頭大  
路東出至征虜亭按黃元之丹陽記謂太元中  
謝安為征虜將軍始立此亭而謝萬殷浩事俱在  
永和中不至太元始立  
古新亭 在江寧縣南晉書  
也知丹陽記傳會之謬  
王尊傳過江人士

每至暇日相要出新亭飲宴周顛中生而歎曰風景不殊舉目有江山之異皆相視流涕又謝安傳桓溫請安為司馬將發新亭朝士咸送又桓溫入赴山陵止新亭大陳兵衛呼安及王坦之安從容就席又安帝紀元興元年王師敗績于新亭南史宋本紀孝武帝率衆入討元凶至新亭即皇帝位改新亭為中興亭唐李白勞勞亭詩序亭在江寧縣西十五里一名臨滄觀寰宇記臨滄觀在縣南勞勞山上有亭七間名曰新亭吳時築中名臨滄觀亦謂之勞城宋史建炎四年烏珠趣龍灣岳飛邀擊之於新亭大破之黃元之丹陽記新亭吳所立晉隆安中司馬恢之徒創今地輿地紀勝亭去江寧十里俯近江渚方輿紀要亭廢宋乾道五年守臣史正志重建呂止曰自吳以來石頭南上至查浦查浦南上至新亭新亭南上至新林新林南上至板橋板橋南上至烈洲陸有城埤水有舟楫

建康西南面之險也。按寰宇記新亭即勞勞亭原無兩地而建康志謂新亭壘在城西南十二里

臨滄觀在城南始岐為二地當前牛屯在上元縣東南吳志孫浩

以寰宇記為是。鳥珠改見前。牛屯南寶鼎元年永安山賊施但等劫皓庶弟謙出烏程至建業丁固諸葛靚逆之於牛屯大戰但等敗走

獲謙梁書武帝時江紆父倩改捨同夏縣界牛舍界牛屯里舍為寺胡三省通鑑注牛屯去建業城二十

一馬牧在江寧縣東南通鑑梁末徐嗣徽等導齊兵至秣陵故治陳霸先與周文育屯方山

徐度頓馬牧杜稜頓大航南以禦之舊志馬牧在縣東南二十里蓋舊時閑牧之地。賀若

弼壘元和志在上元縣北縣十里隋伐陳若弼渡江於蔣山龍尾築壘韓擒虎壘

在上元縣西四里有平仁威壘在句容縣南南史陳碑其文薛道衡之詞梁承聖二年周弘

讓為仁威將軍城句容居之命曰仁威壘史正志  
建康志俗傳達奚將軍嘗屯兵桑甲於此亦曰甲  
城舊志在朱雀桁在江寧縣南吳志孫綝築室於  
白羊門內朱雀橋南晉書永嘉初陳敏竊  
據建業周玘使錢廣等討之勒兵朱雀橋陳兵水  
南太寧二年王敦兄含奄至南岸溫嶠移屯水北  
燒朱雀航以挫其鋒咸康二年新作朱雀浮桁南  
史梁中大通元年朱雀航華表災輿地紀勝沿淮  
上皆列浮航緩急則撤航為備鎮淮橋即古朱雀  
桁也建康志朱雀桁對朱雀橋南渡淮水亦名朱  
雀橋本吳南津大航橋又有二十四航在都城內  
外顧野王輿地志朱雀與竹格驃騎丹陽為四航  
自隋滅陳惟竹格渡獨存通志謂之南航又曰大  
航以秦淮諸航比為之最顧祖禹方輿紀要今聚  
寶門內鎮淮橋即孫吳之古御街在江寧縣南王  
南津橋晉之朱雀桁也存之輿地紀勝

御道亦名御街吳時自吳門南出至朱雀門七八里府寺相屬晉成帝因吳苑城築新宮正中曰宣陽門南對朱雀門相去五里餘名為御道夾道開御溝植楊柳其道自大司馬門出為御街自端門出為馳道自西掖門出為右御街宋本紀大明五年立馳道自閭闔門至于朱雀門又自承明門至于元武湖八年罷景和復立建康志今自天津橋直南夾道猶有故溝即古御街也

**烏衣巷**  
在上元縣之東南世說王導曰庾元規若來吾角巾還烏衣宋書謝混與族子靈運瞻矐弘微並居在烏衣巷嘗共宴處謂之烏衣之遊輿地紀勝在秦淮南去朱雀橋不遠建康志今城南光干寺北有小巷曰烏衣又有烏衣園在縣南二里烏衣巷東黃元之丹陽記烏衣巷吳時烏衣營處所府志巷在縣東

**馬糞巷**  
在上元縣北梁書王志世居建康南二里馬糞巷僧虔以來門風多

寬恕志又寬厚兄弟子姪皆化  
之時人號馬養諸王為長者  
邀笛步 在上元縣青溪橋右

舊志在江寧縣上水關  
王徽之邀桓伊吹笛處  
晉北郊壇 在上元縣北晉咸康八年

立隆安二年王恭等作亂詔王恂守北郊義熙六年  
年盧循入寇劉裕使劉敬宣屯北郊宋書禮志北

郊晉成帝立於覆舟山南太祖移於覆舟山西後  
以其地為北湖又移於湖塘西北其地卑濕又移

于白石村東其地又為湖乃移於鍾山北東道西  
與南郊相值後罷白石東湖北郊復舊處南史梁

敬帝時齊軍至元武湖北將據北郊壇陳霸  
先帥眾軍自覆舟山東移屯壇北以拒之是也 晉

社稷壇 通志在上元縣古城宣陽門外晉元帝立張銓金陵志云在舊江寧東二縣里

宋耕壇 在上元縣東宋書禮志元嘉二十年將親耕度宮之辰地八里之外整制千畝開阡

陌立先農壇御耕壇王象之輿地紀勝按隋志梁  
普通二年移耜田於建康北岸別有祈年殿蔡宗

旦金陵賦注云梁耜田壇在縣東二十里  
青龍山前舊志耕壇在故臺城東南二里  
明天地

壇

通志在上元縣洪武門外明京城圖志云太祖  
以王者父天母地無異祀理乃建壇于此合而

祀之壇制闢四門繚以朱垣內復為垣  
圓列壇中上為大祀殿前為齋宮今廢  
吳南郊壇

在江寧縣南宋書禮志孫權太元元年祭南郊其  
地今秣陵縣南十餘里郊中是也晉氏南遷立南

郊于已地宋大明三年乃移郊兆于牛頭山西正  
在宮之午地前廢帝移遷本處通志梁武帝南郊

壇在今城東  
南與婁湖近  
華林園  
在上元縣東北世說晉簡文  
帝在華林園日會心處不必

在遠翛然林木便有濠濮間趣南史宋紀永初二  
年聽訟于華林園又少帝於華林園為列肆親自



酤賣又元嘉二十三年築景陽山於華林園又王  
儉傳齊高帝幸華林園宴集使各效使藝儉跪上  
前誦相如封禪書又到溉傳溉齋前山池有奇壚  
石梁武帝戲與賭之溉輸石即迎置華林園宴殿  
前移石之日都下傾城縱觀所謂到公石也舊志  
華林園內有華光等殿及景陽樓竹林堂皆宋元  
嘉時建建康志云園在桂林苑寰宇記在上元縣  
臺城內本吳舊宮苑也北四十里落星山  
之陽吳立吳都賦云數樂遊苑在上元縣東北宋  
軍實于桂林之苑即此書禮志晉立北郊  
在覆舟山南太祖以其地為樂遊苑元嘉十一年  
禊飲樂游苑范蔚宗樂游苑應詔詩序曰苑在宮  
城北三里晉時築園也南史陳紀大建四年幸樂  
遊苑採甘露寰宇記苑在覆舟山南北連山築臺  
觀苑內起正陽林光等殿建康志在北郊之西顧  
野王輿地志苑在縣東北八里舊志今城北土橋

南小教場  
即其地  
**芳林苑**  
在上元縣東北南史齊武帝紀  
宋元嘉二十七年生於建康青

溪宅永明元年築青溪舊宮即故宅也五年禊飲  
於芳林苑又張緒傳劉悛獻蜀柳數株時舊宮芳

林苑始成武帝以植于太昌靈和殿前梁書齊世  
青溪宮改為芳林苑天監初賜南平王偉為第偉

又加穿築增植嘉樹珍果窮極雕麗吳都賦注在  
縣東北十里寰宇記芳林苑一名桃花園在東府

城東秦淮大路建康志在古  
湘宮寺前巷近青溪中橋  
**上林苑**  
府志在上元  
縣雞籠山東

宋孝武大明三年築初名西苑梁改曰上林其地  
有古池俗呼為馬塘亦曰飲馬池其西又有望臺

宮  
**芳樂苑**  
在上元縣建康子城北齊書東昏侯于  
芳樂苑內立市肆以潘妃為市令即此

又方山苑在方山側府  
志齊武帝于此築苑  
**王遊苑**  
在江寧縣西南梁  
書紀太清元年王

游苑成輿地紀勝江潭苑亦名王游苑建東田在  
康志江潭苑在新林路西去城二十里

元縣東南史齊永明中太子長懋引晉明帝為太  
子時立西池例求東田起小苑許之十一年太子

薨世祖以東田殿堂為崇虛館建武二年元圃在  
罷東田王象之輿地紀勝在縣東八里

元縣北臺城北齊書太子長懋開祐元圃園與臺  
城北塹等其中樓館塔宇多聚竒石妙極山水梁

書太子于懸圃立館以延朝士番禹侯執稱此中  
宜奏女樂太子不答誦左思招隱詩何必絲與竹山

水有清音執大慚顧野王輿地圖內有太初宮在  
月明觀婉轉廊徘徊橋內作淨名精舍

元縣北吳志孫權赤烏十年適南宮尋改作太初  
宮孫皓寶鼎二年起顯明宮移居之裴松之注太

康三年地記曰吳有太初宮方三百丈權所起也  
昭明宮方五百丈皓所作也避晉諱故曰顯明吳

歷云顯明在太初之東晉書惠帝時石冰之亂太  
初宮盡焚陳敏平石冰因故基創造府舍元帝領  
江左即敏所造為府舍及即位仍在舊府稱為建  
康宮更不改作咸和中燬始營新宮于臺城囊  
記太初宮本孫策故府也建康志太初宮正殿曰  
神龍北直臺城西掖門前路東即古御街又吳南  
宮即太子宮在南宮在東宮志在上元縣城內建康  
舊江寧縣北二里半東宮志晉永安宮在臺城  
東南隅宮苑記永安宮在臺城東華門外太元二  
十一年以東海王第作東宮安帝立何皇后居此  
謂之永安宮桓元篡位令其材木入西宮以其地  
為射圃宋元嘉十五年修永吉宮為東宮城四周  
土牆塹兩重在臺城東門外按南史侯景圍臺  
城時於東宮置酒作樂太子綱遣人焚之臺殿及  
所聚圖書皆燼陳太建九年東宮  
成皇太子移於新宮蓋即此址

親蠶宮

在上元縣西北

南史宋紀大明三年立皇后親蠶宮于西郊王象之輿地紀勝金陵覽古云在縣北七里沙市中

### 明故宮

在上元縣舊紫禁城內乾隆十六年

翠華南巡御製過明故宮詩

### 安德宮

在江寧縣治南建康志在宣陽門外直西即都城西南角

陳宣帝為文皇后所築隋平陳移江寧縣治此明年復罷中有池人謂之安德宮池  
**梧園宮**

在句容縣西舊志吳王別館也有梧楸成林  
**太極殿** 在上元縣北晉書王獻之傳太元中

新起太極殿謝安欲太極殿題榜南史梁紀天監十二年新作太極殿改為十三間以從閨數又王

僧辯傳承聖初僧辯復臺城軍人失火燒太極殿及東西堂陳紀永定二年營太極殿王象之輿地

紀勝晉孝建又名梅梁殿建康志建康宮內正殿也  
**清暑殿** 在上元縣北晉書孝武紀

太元二十一年起清暑殿宋書符瑞志大明元年  
嘉禾一株五莖生清暑殿鸕尾中南史儒林傳宋

明帝好周易嘗集朝臣於清暑殿講詔  
伏曼容執經府志清暑殿在臺城內 永福省 在上

元縣北故臺城中劉宋時太子所居  
梁太清三年太子綰遷居永福省 中堂 在江寧  
縣治南

晉明帝太寧二年帝以王敦反出次中堂又出次  
南皇帝孝武帝以太學在秦淮南去臺城懸遠權

以中堂為太學親釋奠焉宋景平 積弩堂 在上元  
二年宜都王義隆即位于中堂 縣故縣

城北晉隆安五年孫恩窺建康豫州刺史  
司馬尚之帥精騎入衛京師屯積弩堂 儀賢堂

在上元縣東北本名延賢堂宋元嘉三年帝臨延  
賢堂聽訟自是每歲三訊皆于此堂因名聽訟堂

梁天監七年改名儀賢太清二年侯景立蕭正德  
為帝即位于儀賢堂建唐志在都城宣陽門內路

西梁特策孝  
廉秀才于此  
**宣猷堂**  
通志在上元縣梁書蕭子顯傳云謝嘏出守建安于宣猷

堂飲儀陳書姚察傳云察年十三即引于宣猷堂聽講論難為儒者所稱  
**澄心堂**  
在上元縣

城內南唐建為藏書撰述之所舊有澄心堂紙相傳為玩金云  
項事堂在今內橋東舊中城兵馬司

地  
**芙蓉堂**  
在上元縣舊府治宋時建王安石詩畫芙蓉堂下疏秋水且與龜魚作主人

**錦堂**  
在上元縣舊府志西廳宋紹興末王綸以建康人知鄉郡故建此堂  
**戲綵堂**  
在上

元縣舊轉運司宋嘉定中  
真德秀將母出使因名  
**大本堂**  
在上元縣舊紫

武初建以為太子諸王授經之所延四方耆儒于其中公侯子弟皆就學焉  
**草堂**  
在上元縣

鍾山北李善文選注汝南周顒昔經在蜀以蜀草堂寺林壑可懷乃于鍾嶺雷次宗學館立寺因名

草堂亦清如堂通志在上元縣青溪綠波橋北明統志宋馬光祖建取御翰中一清

如水之景陽樓在上元縣北南宋紀元嘉二十三年興景陽山于華林園又后妃

傳齊武帝永明中置鐘于景陽樓上應五鼓及三鼓宮人聞鐘聲早起粧飾與地紀勝在法寶寺西

南遺址尚存俗呼為景陽臺閱江樓舊志在上元縣獅子山上明初建樓於巔宋濂奉教

撰記按明太祖所製閱江樓記入漢樓在上元縣石頭

序則樓不果建特教儒臣撰記耳

城南晉義觀稼樓在上元縣石頭城穿鍼樓在上元縣

照中建東北宋武帝七月七日使宮人穿鍼乞巧於此百尺樓在上元縣東北南唐李後主建通志

在南唐來賓樓在江寧縣聚寶門外明初所建十六樓之一通志金陵瑣事云在城



內者曰南市曰北市在聚寶門西曰來賓東曰重  
譯在瓦屑壩曰集賢曰樂民在西關曰鶴鳴曰醉  
仙曰輕烟曰淡粉曰柳翠曰梅妍在石城門外曰  
石城曰謳歌在清涼門外曰清江曰鼓腹俱洪武  
中建以為行人憩息游觀之  
**東南佳麗樓** 在江寧  
所並以處官役焉今盡毀

志在銀行街舊為賞心樓久廢景定元年  
馬光祖改建曰東南佳麗樓即今縣治基  
**伏龜樓**

在江寧縣府志在府城上東南隅景定初馬光祖  
增創八十八門 按顧祖禹方輿紀要曹彬登長

干北望金陵問其地曰伏龜案兵  
層樓 康建志在  
督攻之南城遂臨樓之命名以此

咸淳中黃  
**孫楚酒樓** 在江寧縣西唐李白玩月于  
萬石建 金陵城西孫楚酒樓黍醉著

紫綺裘烏紗巾棹歌秦淮有詩  
**南樓** 周合景定志  
云朝沽金陵酒歌吹孫楚樓 在府城右與

舊佳麗 三閣 在上元縣故臺城內陳後主建南史樓相對 後主自居臨春閣張貴妃居結綺閣

龔孔二貴嬪居望仙閣並複道交相往來 張貴妃嘗于閣上觀粧臨軒檻飄若神仙 涵虛閣

在上元縣北通志南唐建於後湖即昇元閣 在江寧縣 憑虛閣金陵四十景曰憑空聽雨

西南唐李白詩晨登瓦官閣極眺金陵城鍾山對北戶淮水入南京王象之輿地紀勝昇元閣又名

瓦官閣乃梁朝所建高二百四十丈建康志今崇勝戒壇近昇元故基建盧舍那佛閣亦高七丈

青溪閣 通志在上元縣東北清招隱館 在上元縣 溪上本梁江總故宅 鍾山西巖

下劉宋時為商飈館 在上元縣蔣祠西南南史齊雷次宗築 武帝永明初立商飈館于孫

陵岡世呼為九日臺五年秋九月涼館 在府治宋車駕幸焉 通志館去城十五里 元符中呂

升卿建元時敏記

士林館

在上元縣舊一臺城西  
梁武帝建南史張館傳

西開士林館

聚學者館與朱弁賀琛述制旨禮  
記中庸義按舊志載士林館在六合縣西北引

通鑑梁時齊兵圍秦郡陳霸先赴

大敗齊  
將郭元義于士林此士林乃地名非館名也

亭

在上元縣清涼山頂南唐時建又紅羅亭在縣  
內望湖亭在雞籠山上俱南唐時建乾隆十六

翠華南巡年

御書翠微亭匾

半山亭

輿地紀勝在上元縣東北王安  
石故宅由縣東門至蔣山此為

半道故以半山為名元豐七年安石請捨為寺賜  
額報恩禪寺明焦竑亦有園在山側仍其明曰半

山賞心亭

在江寧縣西下水門城上輿地紀勝亭  
下臨秦淮丁謂建下有折柳亭張詠建

其西有白鷺亭下瞰白鷺洲又有二水亭北與賞心亭相對通志有風亭在折柳亭東葉清臣建又

覽輝亭在鳳凰臺側清水平亭在江寧縣東南宋建

于清水亭建康志去府城三十里有鋪路通溧水木末亭在江寧縣聚寶門外花雨臺北

梅岡之東高出林表通志旁烽火臺在上元縣石有方孝儒祠北有景清祠頭城最高處

吳時沿江築臺以舉烽火自建康至西陵半日而達郭文舉書臺在上元縣西晉書王

導開文舉名迎置西園之中果木成林又有鳥獸麋鹿四以居文舉焉案字記郭文舉臺在治城內

王導所築王象之輿地紀勝謂之文舉讀書臺昭明讀書臺在上元縣鐘山北高峯上

一在句容縣東南四十里昭明嘗從陶隱居學築臺于此舊址尚存日觀臺在上元縣故臺

城內通志祥符圖經宋司天臺也又望耕臺在白  
上村宋文帝嘗登此以觀公卿親推之禮又通天

臺在臺城內宋觀象臺在上元縣雞鳴山之巔通  
大明七年建志元至正元年建明改為

聖祖南巡 欽天臺山側有北極閣 本朝康熙三十三年

賜御書曠觀二字建亭勒石三十八年 鳳凰臺 在江寧縣南  
御書欣然有得四字額 宋書符瑞志

元嘉十四年大鳥集秣陵永昌里改曰鳳凰里唐  
李白有鳳凰臺詩乾隆二十二年

翠華再幸 御製金陵鳳凰臺用李白韻并效其體詩 雨花臺 在江  
寧縣

南輿地紀勝在縣南三里據岡阜最高處俯瞰城  
圍相傳梁武帝時有法師講經此處感天雨花故名

廣輿記法師號雲光通志臺在聚寶山上萬姓人  
家烟火與遠近雲峯相亂遙望大江如帶

聖祖有御製雨花臺詩

乾隆十六年

翠華南巡

御製雨花臺詩二十一年

翠華再幸

御製雨花臺口號詩二十七年

翠華三幸

御製雨花臺詩三十年

翠華四幸

御製戲題雨花臺詩  
**義臺**在句容縣西南隅唐孝子  
常洎旌表之所令李哲有記

占星臺

明統志在句容縣後圃宋景祐中邱濟知  
縣事明天文登此臺觀象故名後改為先

吞

八卦臺

在句容縣大茅  
山南茅洞之東  
**煉丹臺**在高淳縣東二  
十里談溪渡口

舊傳許旌

陽煉丹炭

**是儀宅**

在上元縣故臺城西吳志儀不  
治產業為屋舍財足自容鄰家

有起大宅者權出望見問起大屋者誰左右對曰  
似是儀家也權曰儀儉必非也問果他家其見知

信如紀瞻宅在上元縣東南晉書元帝初瞻立宅  
于烏衣巷館宇崇麗園池竹木有足

賞故舊志瞻嘗為驃騎將軍即其宅為王導宅在  
驃騎府遂名其府側浮橋曰驃騎航

元縣東南烏衣巷南史江左謝安宅在上元縣東  
南晉書桓元

初立瑯琊諸王皆居烏衣巷欲以安宅為營謝混曰名府之仁猶惠及甘棠文  
靖之德更不保五畝之宅元慚而止輿地紀勝宅

在烏衣巷口圖經云在驃騎航側縣志在聽箏堂  
後通志謝元宅在上元縣土地名康樂坊旁有

謝元走杜姥宅在上元縣北宋元徽二年桂陽王  
休範反遣別將杜墨入朱雀門

徑進至杜姥宅齊永元初陳顯達舉兵江州東昏  
侯使將軍徐世標領兵屯杜姥宅梁末王僧辯等

討敗侯景造裴之橫等分屯杜姓宅舊志宅在臺城南掖門外晉成帝杜后母裴氏立第于此因名

劉勔宅 在上元縣鍾山南史勔始於嶺之南以為棲息聚石蓄水髣髴邱中朝士雅素者

多往游之裴志宅在明僧紹宅 在上元縣東攝山蔣廟東北名東山園與地紀勝齊永明

七年僧紹捨宅為寺劉瓛宅 在上元縣東北齊書瓛住在檀

敢指斥呼為青溪馬永明七年為立學沈約宅 在館以楊烈橋故主第給之未及徙而卒

元縣北南史約居處儉素立宅東田嘗為郊居賦以自叙有云王父從官京師義熙十年高祖賜館

于都亭里之運巷建康志運巷在今天度觀又引世說敘錄治城在今運巷東舊里亭今俗呼為黃

泥何點宅 在上元縣西下壺墓側南史點居東籬門園優游自得豫章王彥造點點從後



門迤去竟陵王子良聞之曰豫章王尚望塵不及吾當望岫息心通志東籬門園即烏榜村江

**總宅**

在上元縣東北金陵故事南朝鼎族多夾青溪而居江令宅尤占勝地王安石詩往時江

總宅近在青溪曲宋時為段約宅  
安石詩昔時江令宅今日段侯家

**徐鉉宅**

在上元縣攝山

西輿地紀在青溪寺西園池甚盛

**徐達宅**

在上元縣南大

中有來賢亭今陶莊即其地焉

功坊左帶秦淮石通古御街明洪武初賜第于此  
通志有瞻園在賜第內竹石卉木為金陵園亭之

冠又南園在賜第南又萬竹園亭城西南隅近瓦  
官寺又東園在武定門東城下明武宗嘗釣於此

又西園在城西南近驍騎倉有古松一古石  
二又栝園在大功坊東狀元境皆魏公別業 **張昭**

**宅**

在江寧縣南輿地紀勝按丹陽記大長干道西有張  
子布宅對瓦官寺門張侯橋府志在今聚寶門外

陸機宅

在江寧縣南輿地紀勝按金陵覽古上元縣南秦淮側有二陸讀書臺舊址猶存乾隆

二十七年

翠華三幸

御製題陸機

宅詩

吳隱之宅

在江寧縣內古都城南五里今雙橋門內晉書數畝小宅籬垣

仄陋內外茅屋六間不容妻子以竹蓬為屏風坐無氍毹

李琮宅

在江寧縣西

西琮嘗手植槐數株至元未猶存

許長史宅

在句容縣東南雷平山西北南有井後為

道周瑜宅

在淳淳縣西二十五里舊志周氏世居於此以磚為垣周一里遺址尚存俗呼

呼磚

魏良臣宅

在高淳縣東十里今有南塘井其旁即宅址

漢溧陽長

校官碑

在溧水縣光和四年立後沉于固城湖渚宋紹興十一年溧水尉翁仲遠始得之置

於官舍今在  
文廟大門右

### 關隘龍江關

在江寧縣西儀鳳門外明設戶部鈔關  
于此專理粟帛雜用之稅 本朝康熙

二十八年督臣請併兩稅為一新江關 在江寧縣  
貨物往來不致淹時萬姓稱便

外亦謂之西新關出中新河渡二十里達江浦口  
明初置江東巡司亦曰新江口江防同知駐焉

### 大勝關

在江寧縣西南三十里其地有大城港合  
板橋新林等浦之水入江其江流險阨處

宋置巡簡寨紹興二年復烽火臺元為大城水  
驛亦曰大城港鎮明初陳友諒來侵太祖命楊璟

駐兵大城港友諒至敗去因改曰石灰山關 在上  
大勝港置大勝關兼置巡司今草

西北幕府山 江隄關 在江浦縣東南三里明洪武  
北明初置 二十四年置關及巡司設江

淮衛于此  
今衛廢  
浦子口  
在江浦縣東二十五里為南北津渡之要有成明宣德間設守

御所  
本朝初設參將康熙中改用守備又有稅課局明初置弘治間革又江淮巡司明初置後革

本朝復設  
隸江寧府  
淳化鎮巡司  
在上元縣東王存九城志縣有淳化土橋湖孰

石步四鎮建康志淳化鎮在縣東四十五里淳化五年置縣志亦曰淳化關其地遮蔽句容應按京

口形勢衝要  
明設巡司  
江東巡司  
在江寧縣江東門外  
秣陵鎮巡司  
建康

志鎮在江寧縣南五十里舊志元置巡司及稅務明置秣陵關今仍為鎮有巡司  
龍潭鎮

巡司  
在句容縣北八十里逼臨大江地有龍潭建文四年燕王濟江次龍潭是也明初設巡司

正統二年復設歲積倉于此為濱江要害後廢巡司  
本朝乾隆二十五年省龍潭驛丞後改設

聖

按龍潭為京口金陵適中之地康熙中  
祖仁皇帝南巡敬設行殿乾隆十二年

翠華南巡

御書勝攬龍蟠江聲潭影匾額及對聯四十五年

翠華五幸

御製江寧旋蹕駐龍潭行宮作詩

### 廣通鎮巡司

在高淳縣東即宋鄧步鎮也建康志  
鄧步鎮在溧水縣南百二十里乾道

四年差官收稅實祐四年移東壩市舊志廣通鎮  
在高淳縣東六十里與溧水接界即古東壩之

地明洪武二十五年置鎮設巡司兼設稅課  
司及茶引所于此今稅課司茶引所皆罷瓜步

### 鎮巡司

在六合縣東南瓜步山下  
九域志揚于縣有瓜步鎮江淮衛  
縣北門

### 橋 興武衛

在上元縣城北又明統志有孝陵衛在  
朝陽門外今廢舊志省會原設江寧上

元等二十六衛順治十三年併為十六衛康熙十二年裁存江寧上元江淮興武四衛十七年四衛

俱裁十八年仍留靖安鎮在上元縣木口龍安鎮江淮武二衛興靖安鎮以鎮有龍灣市宋建炎

四年金人焚掠建康故自靜安渡宣化而去岳飛邀敗之于北史正志建康志龍灣市在金陵鄉去

城十五里元置龍灣水站明初陳友諒突犯金陵太祖命康茂才守龍灣上元縣志龍灣在縣西北

十五里土橋鎮建康志在上元縣東六十里與句容里縣接界又湖孰鎮在縣東南六十里

石步鎮在上元縣東北四十里即古江寧鎮在江羅落橋鎮宋置石步砦廵司寧鎮寧縣

西南九域志縣有江寧秣陵二鎮建康志江寧鎮在縣西南六十里明置江寧巡司金陵

鎮建康志在江寧縣南六十里宋景德白土鎮在二年置鎮舊志元設稅務於此今草鎮在

容縣東四十里為句容丹  
陽之中路元置稅務于此  
**常寧鎮**九城志句容縣  
有長寧東陽下

蜀三鎮舊志常寧鎮在縣東南十里舊有巡司及  
稅務局今廢東南有北鎮與常寧相去十里宋亦

嘗置巡司  
**東陽鎮**建康志在句容縣西北六  
及稅課局  
十里淳熙十二年置驛  
**下蜀**

**鎮**在句容縣北通典縣有下蜀戍即北宋置鎮建  
康志在縣北六十里唐世置鹽鐵轉運使在揚

州宋發運使在真州皆于倉南岸置倉轉搬  
今下蜀北有倉城基并鹽倉遺址尚存  
**孔家**

**鎮**在溧水縣南九城志溧水縣有孔家岡高淳因  
城三鎮史正志建康志孔家鎮在縣南四十五

里  
**固城鎮**在高淳縣南王存九城志溧水縣有  
固城鎮舊志在高淳縣南三十里  
**水**

**陽鎮**在高淳縣西南三十里臨  
水陽河與宣城縣接界  
**高望鎮**在江浦縣  
西南晉太

康初伐吳王渾使李純屯高望城舊志在縣西南三十里又烏江鎮在縣西南七十里與和州按界

**香泉鎮**

在江浦縣西九域志烏江縣有湯泉永安石磧新市高望五鎮舊志香泉在縣西三

十里南去湯泉五里以近湯泉而名即故湯泉鎮也又有湯泉砦元末居人築以禦寇

**葛城**

**鎮**

在江浦縣西北即故東葛城明初置館驛于此

**長蘆鎮**

在六合縣南二十五里齊建元

初魏人南寇詔於長蘆置三軍胡三省通鑑注六合縣有長蘆鎮及長蘆寺

**宣化鎮**

在

合縣南九域志縣有宣化長蘆二鎮建康志宣化鎮在宣化山之陽為建康往來津渡之要晉五王

南奔渡江于此至今謂之五馬渡

**竹鎮**

在六合縣西北五十里宋設巡司及稅務於此本名

竹墩以宋廟諱更名

**花林市**

在上元縣東北輿地紀勝去城三十五里齊梁諸墳多在其地



建康志北至大江十二里又東流市在縣東北四十里竹篠市在縣東北二十里

在溧水縣南十五里亦曰洪藍埠其地有河道北通秦淮南達石湖商賈聚集新糧谷在焉

村市 在溧水縣南六十里距廣德州建平縣界明嘉靖中設河泊所于此萬厯間革

所 在江寧縣城西三汊河泊所 在六合縣南滁河上

驛 在江寧縣江東門內江寧驛 在江寧縣南六十里

東葛驛 在江浦縣西北三十里又江淮驛在縣城內崇邑驛在六合縣東俱雍正八年裁

欽定大清一統志卷五十一

欽定四庫全書

史部

欽定大清一統志卷五十五  
二至

內閣中書臣沈颺覆勘

總校官檢討臣何思鈞

欽定四庫全書

欽定大清一統志卷五十二

江寧府

津梁鎮淮橋

史正志建康志在府城南門內即古朱雀航所乾道五年留守史正志建橫跨

秦淮長十有六丈為二亭明統志在聚  
寶門外即孫吳南津橋看朱雀航也  
武定橋 建康

志在鎮淮橋東明  
統志在織錦三坊  
文德橋 在武定橋之東縣學之  
右其東為利涉橋通志

利涉橋西  
上方橋 在上元縣東南明統志在正陽  
門外通志又有通濟橋在通濟

門外中和橋在通濟東  
南與上方皆跨濠水  
淮青橋 在上元縣東秦淮  
與青溪相接處舊

名東水開  
跨青溪

### 斗門橋

在上元縣城內建康志跨運漕其北又有乾道南北二橋明統

志在三山門內  
泰淮合運漕處

### 鼎新橋

在上元縣朝天宮西南跨運漕建康志馬先祖重建

通志鼎新之西有崇道橋其東有  
太平橋俗呼為莖橋皆跨運漕

### 景定橋

在上元縣城內

建康志景定二年馬先祖重  
建更名明統志今名會同橋

### 內橋

在上元縣治西建康志天津橋

在行宮前舊名虹橋政和中蔡巖建後改名明統  
志內橋即天津橋即六朝大內門舊志在運漕合

青溪又昇平橋在內橋東北即宋東虹橋又大  
市橋在內橋西北即宋西虹橋皆跨古宮城濠

### 大中橋

在上元縣城內明統志大中橋在長安街  
西即白下橋舊志在通濟門內通志橋北

有復成橋

### 北門橋

建康志有武勝橋在府治親兵教場  
即北門橋明統志北門橋在洪武街

南  
**金川橋**

明統志在銅橋東十里南唐天祚三年

以步騎八萬講武於銅橋  
即此舊志在上方橋東  
**高橋** 在上元縣東梁末

姑孰陳霸先遣侯安都拒之於  
高橋建康志在縣東十五里  
**土橋** 建康志在城

句容縣  
接界  
**葛橋** 在上元縣東南宋元徽中李安民破

縣崇禮鄉  
方山東南  
**亭子橋** 在上元縣東建康志在清風鄉

樓霞寺新路記云建高亭於  
路周跨重橋於川上即此  
**菰首橋** 在上元縣東

高州刺史李遷任等提壘城營於青溪東率銳卒  
深入進至菰首橋為侯景伏兵所敗建康志青溪

舊有七橋實錄注云最北樂遊苑為東門橋次南  
為尹橋次南為雞鳴橋次南為募士橋次南為菰

首橋一名走馬橋次南為青溪中橋在湘宮寺門前巷即今上水閣次南為青溪大橋東即向谷大

路西即江總羅落橋在上元縣東北晉元興末劉宅橋皆不存羅落橋裕討桓元自江乘進至羅落

橋斬元將皇甫敷梁敬帝初陳霸先自京口襲王僧辯於石頭使侯安都等帥水軍前發霸先帥馬步

自江乘羅落橋會之建康志石步橋在縣東北四十五里即古羅落橋也下有羅落浦北大江顧

祖馬方輿紀要羅落橋在府東北飲虹橋在江寧四十里地名石安鎮亦名石步橋

南百餘步其東即鎮淮橋建康志在鳳臺坊木名萬歲橋宋乾道五年守臣史正志與鎮淮同建更

名長十三丈為屋十有六楹至今俗呼為新橋舊志又有上浮橋在新橋西下浮橋又在其西皆跨

秦聚寶橋在江寧縣西南明統志有長安橋即古淮長十橋楊吳城金陵鬻濠引秦淮水遠

城置此橋跨之舊志謂之聚寶橋又有睿工橋在  
縣南馴象門外明黃觀妻女死節處三山橋在縣

西南三山門外石城橋在江寧縣西石城門外跨城濠  
本朝康熙十八年重修又三山橋

在三山門外跨城濠重譯橋在江寧縣南明統志在長  
來賓

橋明統志在長安橋西稍南善世橋在聚寶門外  
舊志善世橋在來賓橋西皆跨躍馬澗水流通

城濠通志來賓橋在馴象街板橋在江寧縣西南四十里晉簡  
文帝為王時嘗與桓溫及武

陵王晞同載遊於板橋建康志在縣南三十里  
吳丞相張悌死於板橋即此有悌冢在橋西新

林橋建康志在江寧縣西南十五里即梁武帝賦  
齊師處通志即今善世橋明統志在聚寶門

外白鶴橋建康志在句容縣東南三里明統志相  
傳大茅君每歲十二月二日駕白鶴來

此會羣仙故名永安橋建康志在句容縣南七里有小港入秦淮懸壽橋建康

志在句容縣西十五里通志吳周瑜嘗駐軍於此蒲塘橋建康志在溧水縣南二十五里

舊志尚義橋在縣南跨蒲塘河上明正德中重建改名天生橋在溧水縣西十里通志高

十二丈明洪武十年太祖命崇山侯李新鑿騰脂河因石勢而成故名烏剎橋在溧水縣

西北四十五里秦淮河經其下接江寧縣界驛橋在高淳縣東六十里廣通鎮下壩又東有

永清橋又東有永雙橋在高淳縣南十里本雙河渡水碧橋在

溇縣西南三十里跨水陽河接宣城縣界宣歲之水至此澄碧故名漆橋在高淳縣東北三十

里跨原志在溧水縣南七十五里宣化橋在江浦縣有二一在浦子治西數百步一在浦子



口城東接六合縣界

**茅塘橋**

在江浦縣西北三十里跨滁河

**龍津橋**

在六合縣治南

數十步為水陸要會

**程家橋**

在六合縣西二十里水通滁河

**竹**

**鎮橋**

在六合縣西北五里跨竹鎮港

**南津**

通志在江寧縣南朝置校尉守之侯景

入寇南津校尉江子一與弟子四子五同殉難於此

**五馬渡**

建康志在上元西北二十三里

晉元帝與彭城等五王於此渡江又靖安渡舊名龍安津在縣西北二十里與六合縣寧化鎮相對

明統志在幕府山之前

**麾扇渡**

輿地紀勝在江寧縣東南四里淮河上晉陳敏據建業出

軍臨大航顧崇以羽扇揮之其軍遂潰因名建康志在朱雀街之左

**馬家渡**

在江寧縣西南

九十五里亦曰馬家洲又稱馬家步宋建炎三年金人由馬家渡渡江臨太平州即此

**西陡**

門渡

在萬浮縣西三十里界丹陽湖三汊河為寧國太平衝要

浦子口渡

在江浦縣

東三十里又八字溝渡在縣東八里又新江口渡在縣東南十三里與江寧中河相對

桃葉

渡

張敦頤六朝事蹟在縣南一里秦淮口通志在江寧縣秦淮青溪合流處

堤堰方山埭

在上元縣東南通志方山埭吳赤烏八年使陳勳於方山立埭號方山埭齊書

湖孰方山埭高峻公私行旅以為艱明帝使沈瑀治之乃開四洪立埭杜佑通典東晉至陳西有石

頭津東有方山埭各置津主一人王象之輿地紀勝南埭即方山埭今上水閘也正對青溪建康志

去城四十里胡三省通鑑注建康城東南有方山埭直漕所經截淮立埭在小南雞鳴埭

在上元縣南南史齊武帝數幸瑯琊城講武宮人常從早發至湖北埭難始鳴故呼為雞鳴埭唐李

商隱詩元武湖中玉漏催雞鳴埭口繡  
襦迴輿地紀勝在青溪西南潮溝上

**南埭**

在江寧縣

東水門王安石贈段約詩聞君更欲開南埭  
割取鍾山一半青通志埭正對舊青溪

**百埭**

**堰**

在句容縣西南亦曰栢岡埭建原志百埭堰在  
句容縣西南三十五里接上元縣界水通秦淮

本赤山湖埭也

**黃城堰**

建原志在句容縣東二十里舊志  
宋慶元中黃提舉監造石堰故名

**五堰**

在高淳縣東廣通鎮中江下流唐景福元年  
楊行密將臺濬作五堰拖輕舸餽糧宋元祐

間宜興進士單諤著書言修臺濬五堰蘇常之水  
十可去其七八蘇軾奏議五堰者以節宣歙金陵

九陽江之水使入蕪湖其後商人販賣障木東入  
二浙者以五堰為阻紹官廢去於是宣歙諸水多

入荆溪王象之輿地紀勝續志云蘇常承中江下  
流常病深沒故葦銀林五堰以窒之自是中江不

復東而宣歙之水皆自蕪湖以達大江舊以石室  
五堰路又泱鐵以銅石故曰銀淋今訛為林建康  
志銀林堰在溧水縣東南百里長十二里自銀林  
稍東曰分水堰長十五里又東五里曰苦李堰長  
八里又五里曰何家堰長九里又五里曰余家堰  
長十里所謂魯陽五堰也明韓邦憲東壩考太祖  
初都金陵以蘇浙糧道自東壩入可避江險洪武  
二十五年復浚胥溪河為運道建石閘啟閉因置  
廣通鎮又鑿溧水縣臙脂岡引丹陽諸湖之水會  
秦淮以入江於是蘇浙運道經東壩直達金陵永  
樂初運道廢改築土壩自是宣歙諸水希入震澤  
嘉靖三十五年倭寇商旅多由壩上行復於壩  
東十里許古分水堰處更築下壩謂之東西二壩  
而統名曰東壩自是兩壩相隔湖水絕不復東矣

藕絲堰

在高淳縣北三十里與溧水縣  
南境接界明崇禎間始造石閘

瓦梁堰

在

合縣西五十里涂水上五代南唐時作  
輿地紀勝即涂塘也舊志亦曰吳堰  
石湫壩在

水縣西二十五里本名原瀨壩以石為坎西柳萬  
山之水至此入秦淮河水噴石上響若轟雷地據

上游亦  
一津口  
**洪漕壩**在高淳縣  
**檀家壩**在江浦縣西南  
三十里居人堰

山水  
洗田  
**倪塘**在上元縣東南梁紹泰末齊兵自方山  
進及倪塘游騎至臺建康志在縣東南

二十五里通鑑注倪氏  
所築故名在方山東南  
**臨賀塘**建康志在上元縣  
東二十里梁臨賀

王正德理田於此因名又銅塘在縣東四十里屈  
曲十五里皆溉田二十頃長塘在縣東南六十里

屈曲五十里  
溉田百頃  
**橫塘**在江寧縣西南吳時自江口緣  
淮築堤謂之橫塘在今秦淮徑

口吳郡賦云橫塘查下樓臺之盛天下莫比建康  
志實錄云橫塘在秦淮南近陶家渚金陵記陶家

渚西對蔡洲陳紀永定二年營太極殿有大樟木派泊陶家後渚即此

郭西塘

在句容縣

西一里又南黃塘西黃東龍塘在江浦縣南四十里相去里許曰西

龍塘

陵墓三國吳大帝陵

李吉甫元和郡縣志在上元縣北二十二里舊志在縣東北十

五里鐘山南麓晉元帝建平陵 明帝武平陵 成帝興

平陵

元和志俱在上元縣北六里雞籠山又哀帝安平陵在雞籠山南又康帝崇平陵簡文帝

高平陵孝武帝隆平陵婁帝休平陵恭帝沖平陵並在縣東北二十里蔣山西南震宇記晉中宗陵

在縣東北十里張敦頤六朝事述宋武帝初寧陵

文帝長寧陵

元和志俱在上元縣東北二十二里蔣山東南又孝武帝景陵在縣

西南四十里岩山明帝高寧陵在縣北十九里陳幕府山東南窠宇記宋高祖陵在縣東北十里

武帝萬安陵

元和志在上元縣東三十八里方山西北貞觀十年詔百步內禁樵採又

文帝永寧陵在蔣山東北宣帝顯寧陵在牛頭山西北縣志其地舊名陵里亦曰天子陵石獸尚存

俗呼石馬沖明太祖孝陵在上元縣東北朝陽門外當鍾山之陽故蔣山寺明初置

孝陵衛典守本朝亦設陵戶守衛康熙二十七年

聖祖南巡詣奠三十八年御書治隆唐宋四字勒碑

特諭嚴禁樵牧立石陵前以垂永久乾隆十六年翠華南巡

御製謁明太祖陵詩  
御書扁額對聯二十七年

翠華三幸

御製謁明太祖陵詩三十年

翠華四幸

御製謁明太祖陵詩四十五年

翠華五幸

御製題明陵口號四十九年

翠華六幸

御製題明陵用庚子韻詩

三國吳魯肅墓

在江寧縣西南上新河南岸圩田中今去江不

遠耕者尚不敢犯

甘寧墓

在上元縣北直清山下

晉王祥墓

在江寧縣西八

十里何湖側有斷碑

衛玠墓

在江寧縣南十里新亭東

紀瞻墓

在句容縣東南二十

五山簡墓

在上元縣真武湖南渡舟山之陽

郭璞墓

在上元縣北後湖中有大



嶽里俗傳  
萬璞墓

### 卞壺墓

在上元縣西治城內朝天宮後  
壺與二子盱眙皆死蘇峻之難

義熙十八年盜開卞壺墓面貌如生手拳爪甲出  
連手背詔給錢十萬重營北域梁書何點侍居東

蘇門園園內有卞忠貞塚點植花卉於塚側每飲  
必舉酒酌之窠宇記塚在今紫極宮後臨嶺構亭

號曰忠貞亭

### 溫嶠墓

在上元縣北石灰山之  
陽初葬豫章後遷北

### 王導墓

元和

志在上元縣西北  
十四里幕府山西

### 顏含墓

在上元縣靖安道旁曾  
孫誕之銘十四代孫真

卿重為立石

### 葛洪墓

寰宇記在句容縣西南一里亦名  
葛仙翁墓蓋仙翁之宗族也又有

平西將軍葛府君墓  
在縣西七里土岡山

### 謝安墓

在江寧縣南陳書晉  
世王公多葬梅嶺大

建十一年始興王叔陵母彭氏卒啟求於梅嶺葬  
之乃發謝安舊墓棄去安柩以葬其母元和志安

墓在縣東南  
十里石子岡  
**南北朝齊竟陵王子良墓**  
在上元縣東北本傳

豫章王英金牛山文惠太子葬夾石子良臨送至  
祖劄山歎曰北瞻吾叔前望吾兄元而有知請葬

茲地及荒  
遂葬焉  
**梁昭明太子安寧陵**  
元和志在上元縣東北五十四里查

劄山通志與齊文  
惠太子陵相並  
**始興王憺墓**  
在上元縣清風鄉黃城村  
**安成**

**王秀墓**  
在上元縣甘家巷  
**南康簡王績墓**  
建康志在句容縣西北二十五

里姜  
石山  
**陶宏景墓**  
在句容縣東南雷平山墓前石獸尚存  
**唐劉太真墓**

在溧水縣北四十五里俗名相  
公墩有祠在縣北三十五里  
**宋王安石墓**  
在上元縣

半山  
寺後  
**李邕墓**  
在上元縣東青龍山  
**楊邦乂墓**  
在江寧縣南聚賢門外  
**張**

孝祥墓

在江浦縣北  
十里七乳山

魏良臣墓

在高淳縣南塘  
宣城縣亦有墓在

南湖北  
道山

王福墓

在江寧縣南新亭鄉王墓村舊志  
福為半富禪將從富死樊城贈少

師平海軍  
節度使

秦鉅墓

在江寧縣西南虞  
真鄉移忠寺側

汪立信墓

張

金陵志在溧  
水縣都堂山

尹起莘墓

在江寧縣南新  
亭鄉印塘村

明徐達墓

常遇春墓

李文忠墓

湯和墓

俱在六合縣  
東北鍾山之

陰 鄧愈墓

在江寧縣西  
南安德門內

沐英墓

在江寧縣南四十  
里通志在長泰北

鄉 俞通海墓

在江寧縣南聚寶山西天  
寺旁有號國公神道猶存

胡大海墓

在江寧縣  
南十五里

馮國用墓

在江寧縣南  
五里鳳西鄉

康茂才墓

舊志  
在神

策門外通志  
在幕府山

**趙德勝墓**

在江寧縣  
為石岡

**吳良墓**

**吳禎**

**墓**

與顧時王志吳復楊瑀  
墓俱在上元縣鍾山西

**郭子興墓**

**郭英墓**

俱在

江寧縣南  
聚甯山

**花雲墓**

在上元縣南五十里水橋洪武  
七年以衣冠與夫人郝氏合葬

宋濂為  
墓碑

**陳遇墓**

在上元縣  
鍾山之陰

**孫炎墓**

在江寧縣  
聚甯山

**方孝**

**孺墓**

在江寧縣聚甯山舊志孝孺死門人王徐輩  
收遺骸殮之於此縣志明故宮午門前有數

尺地至今不生青草云為孝孺受刑處通志萬曆  
十九年禮部主事汪應蛟湯顯祖為文立石表其

墓三十三年徐鯨復修之  
編收遺骸者都督廖鏞也與志異  
按吾學

**齊秦墓**

在溧  
水縣

南十五里  
山清綠洞前

**梅殷墓**

在江寧縣  
南牛首山

**渤泥國王墓**

在江

寧縣南石子岡永樂莊晁墓 在江浦縣  
中來朝卒賜葬於此 東北定山 倪岳墓 在江

寧縣南新亭 梁材墓 在上元縣  
鄉塢墓村 東白山 黃宏墓 在六安縣  
東靈岩山

之 顧璘墓 在上元縣東  
陽南彭城山

祠廟帝王廟 在上元縣北雞鳴  
山明初建今地 禹王廟 有三一在江  
寧縣城內 歛

馬巷磨盤街口一在句容  
縣秋千村又一在赤山湖

孔子廟 通志在高淳縣東三十里漆橋 孔子五十  
四世孫文昇自序世家畧云文昇之十二世

祖檜唐同光中避亂自闕里遷浙之平陽傳十一  
世孫潼孫宋德祐末居建康闕里志潼孫生四子

長文昇季文昱 文昱又自溧陽徙高 福吳富農龍  
淳遂世家焉 本朝康熙六年建廟

神廟

通志在府城錢廠橋  
本朝雍正五年奉

勅建

蔣侯廟

輿地紀勝金陵覽古云在上元縣東北十里鍾山之西北吳大帝為漢秣陵尉蔣

子文立初封蔣侯晉蘇峻平升帝號府志本在孫陵岡明洪武初改建於鐘鳴山又青溪小姑祠府

志在金陵牖祀漢蔣子文妹嘗遇難妹  
挾二女投溪死明萬歷間改作節烈祠諸葛武侯

廟

在上元縣鎮淮橋俗呼  
軍師廟舊志曰起鳳祠

卞忠貞廟

在上元縣西  
治城西祀晉

卞壺及二子盱眙南唐時即墓側建忠貞亭宋慶  
歷中葉清臣改曰忠孝紹興中改廟額曰忠烈明

初又建忠貞廟於鐘鳴山而忠烈廟如故又即廟  
側建歷代忠臣祠祀南唐陳喬宋楊邦乂姚興王

御書

匾額以下

本朝乾隆十六年

賜

### 李衛公廟

在句容縣治東南隅唐武德四年輔公  
拓據丹陽反靖討平之民立祠以祀

### 顏魯公廟

在句容縣東三十里  
顏家村祀唐顏真卿  
二賢祠 在江寧縣  
西鳳凰臺

李白後於墓址掘得斷碑有晉賢阮步兵墓六字  
旁祀晉阮籍唐李白通志本朝雍正初建專祀

因合祀籍於此 按周亮工募購鳳凰臺疏云萬  
曆壬辰李公昭於鳳凰臺旁掘地得石碑半段曰

籍之墓又得半段曰晉賢阮始知  
此地為籍墓則通志說不足據也  
劉忠肅廟 在上

雞鳴山之陽祀南唐劉仁贍舊在  
難東明洪武二十年改建於此  
曹武惠王廟 在

鳴山之陽祀宋曹彬舊在聚寶門外明洪武二十  
年改建於此乾隆十六年

御書扁額  
程明道祠 在上元縣治東宋淳熙三年劉  
珙建以祀大程子朱子作記  
一拂

**清忠祠**

在上元縣西近清涼寺宋建祀鄭俠范忠宣祠在江寧縣舊

宋嘉定八年真德秀建祀范純臣

**忠烈祠**

在江寧縣治西南隅祀宋清江軍節度使牛富

富霍印人守樊城六年不拔城陷死之詔  
謚忠烈賜廟建康其裨將王福亦從祀

**三忠廟**

在江寧縣聚寶門外南岡祀宋楊邦乂文天祥明李邦華

**衛國忠肅公廟**

在上元縣

雞鳴山之陽祀元福壽備在城南土岡明洪武二十年改建於此

**明功臣廟**

在雞鳴山

之陽明洪武二十年建祀開國功臣

**表忠祠**

通志在府城全節坊明萬曆三年詔祀建

文死難諸臣方孝孺陳迥齊泰鐵鉉等

**方正學廟**

祀明方孝孺在江寧縣南聚寶山孝

孺墓之南明萬曆十六年建祠於木末亭側後燬本朝順治十三年重建乾隆十六年



賜御書匾額以

### 景都憲祠

在正學廟左祀明都御史景清

### 表忠祠

在涑水縣北門

外明嘉靖四年建中山書院祀齊泰萬曆初詔更名表忠

### 忠節祠

一在府學內祀明周是修

一在桃禁渡祀黃觀皆避國忠臣

### 廉直祠

在上元縣富民坊西祀明正德中工部主事何遜

### 定山祠

在江浦縣治南大街祀明莊景

### 黃忠節祠

在六合縣治西祀明黃宏

### 汪公祠

在上元縣治城西祀明甲申殉難汪偉

本朝順治八年

賜謚建祠

### 寺觀香林寺

在上元縣太平門內舊名興善寺明建本朝康熙三十八年

### 慧居寺

在上元縣東六十里句容縣界舊名聖化隆昌寺明

聖祖南巡改為香林寺

賜御書扁額

聖祖南巡

建本朝康熙四十二年

欽定四庫全書

卷五十二

勅改今名四十六年  
駕臨幸

賜御書扁額雍正十二年奉  
旨重修乾隆十六年

翠華南巡

御製寶華山慧居寺詩

御書扁額對聯二十一年

翠華再幸

御製慧居寺八韻詩二十七年

翠華三幸

御製慧居寺詩三十年

翠華四幸

御製題慧居寺六韻詩四十五年

翠華五幸

御製慧居寺查

乙酉韻詩

慈應寺

在上元縣東三十二里為寶華山住東下院舊名排頭菴康熙

翠華南巡 六年建乾隆十六年

賜 御書慈雲普應匾額及對聯以

### 愛敬寺

在上元縣東北梁武帝所造本

紀帝於鍾山造大愛敬寺青溪邊造智度寺又於  
臺內立王敬寺太清二年邵陵王綸赴援臺城營  
於蔣山因山巔雪寒乃引軍下愛敬寺又定休寺  
舊在蔣山頂應潮井後齊東昏侯嘗射獵至此法  
輪寺在府城北覆舟山下齊崔慧景  
圍宮城頓法輪寺對容高談處也

### 耆闍寺

在上元縣

東北難鳴山西書一作祇隋賀若弼自  
京口趨建康陳後主令樊毅屯祇闍寺

### 湘宮寺

在

東青溪之北宋明帝初為相東王及即位以舊地  
建北寺柱土木之勝齊永元初始安王暹光舉兵  
東府詔蕭坦之討

### 同泰寺

在上元縣東北梁紀中  
之坦之也湘宮寺  
大通元年華同泰寺設

欽定四庫全書

卷五十二

四部無灑大會因捨身寺中興地紀勝在葦城中  
又曰有法寶寺乃梁同泰寺也舊志同泰寺基楊

吳順義中起十福院宋為法寶寺後  
為精銳中軍寨明為禩手衛營地 **靈谷寺** 在上

東北鍾山之陽金陵紀蔣山寺舊在山南木名道  
林寺梁武帝為寶誌禪師建塔於玩珠峯前名曰

開善寺宋曰太平興國寺後為蔣山寺明移於東  
麓賜名靈谷寺 不朝康熙四十六年

聖祖南巡臨幸  
賜御書扁額對聯乾隆十六年

翠南南池  
御製靈谷寺六韻詩

御書匾額二十二年二十七年三十年四十五年四十  
九年

翠華南幸皆有  
御製靈谷寺詩 **長樂寺** 在上元縣故葦城南梁紹泰三  
年齊兵至倪塘遊騎至葦城門

外陳霸先總禁  
兵出劫長樂寺  
**半山寺**  
在上元縣東北東距鍾山  
七里其地名白蕩積水為

忠宋元豐中王安石居此乃鑿渠決水通城河  
尋捨宅為寺賜額曰保寧禪寺寺後即東治亭樓

**霞寺**

在上元縣東北攝山  
即宋明僧紹故宅

**永濟寺**

在上元縣北燕  
子磯木名宏濟

明正統中建緣崖  
結構俯臨大江

**清涼寺**

在上元縣西石頭山明  
初周王重建俯視大江

如環映帶乾隆十六年

翠華南遊

御書匾額對聯

御製遊清涼寺詩二十二年二十七年三十年四十五

年四十九年

翠華南幸皆有

御製遊清涼寺詩

**雞鳴寺**

在上元縣北雞籠山明建  
康熙四十四年  
本朝

聖

祝賜額乾隆十六年

翠華南巡

御書雜鳴寺匾額對聯三十年四十五年四十九年翠華南幸皆有

御製

雜鳴寺詩

禪靈寺

在江寧縣西南齊書世祖起禪靈寺勅謝淪撰文

光宅寺

在江

寧縣東南梁天監初以三橋舊宅為光宅寺

莊嚴寺

在江寧縣城內梁太清三年百濟人

首見城闕荒地異於向來哭於端門外侯景怒錄送莊嚴寺陳永定二年捨身大莊嚴寺

天界

寺

在江寧縣城南二里明洪武中建

大報恩寺

在江寧縣城南一里吳赤烏間康僧

會致舍利吳大帝建寺及塔明永樂間重建賜額大報恩寺規模宏壯塔高百餘丈本朝康熙三

年修二十三年祖南巡登塔頂每級有

聖

御

書匾額三十八年重修乾隆十六年  
翠華南巡

御製報恩寺六韻詩登報恩寺塔作歌詩  
御書報恩寺匾額對聯報恩寺塔九級匾二十二年二

十七年三十年四十五年

翠華南幸皆有

御製大報恩寺詩四十九年

翠華六幸有

御製雨中禮報

恩寺詩

佛窟寺

在江寧縣南牛首山舊名崇教  
寺為僧懶融開教處號牛頭宗

草堂寺

在鍾山下梁周顯所立  
志在德仁鄉明初徙此

翼善寺

通志在  
府東南

相傳晉謝安與張元圍碁處梁資福院宋元改淨  
名寺明正統間改翼善寺明統志在東山之側

朝天宮

在上元縣西即吳冶城楊吳建紫極宮宋  
改天慶觀明洪武中改今名凡大朝賀百

官習儀於此乾隆二十二年

翠華再幸

御製朝天宮詩  
御書匾額二十七年

翠華三幸

御製朝天宮用蘇軾韻詩

御書朝天宮匾額三十年

翠華四幸

御製朝天宮再疊蘇軾韻詩四十五年四十九年  
翠華南幸皆有

御製朝天

宮詩 **洞神宮**

在上元縣東  
淮青橋西

**洞元觀**

在上元縣東南  
方山吳為萬元

立 **青元觀**

通志在句容縣治西梁天監  
中建明統志葛仙翁故宅

**崇禧宮**

在

容縣東南茅  
山華陽洞南

**元符宮**

在茅山積金峯下宋建  
朝康熙四十四年



御書第八洞天

四字額

名宦漢鍾離意

會稽山陰人建武二十五年遷堂邑令縣人防廣為父報讐繫獄母死廣

哭泣不食意歸家瑣瑣坐據皆爭意曰罪自我歸義不累下遂遭之廣瑜母託果遷入獄意密以

狀聞竟得減死論

三國吳黃蓋

零陵人為丹陽都尉晉周抑強扶弱山越懷附

浚

汝南安成人揚州刺史吳平明年移鎮秣陵浚宿禮故老接求俊又甚有威德吳人悅服范

廣

南陽順陽人元帝成制以為堂邑令丞劉榮坐事當死郡劾付縣榮即踪人家有老母至節廣

輒聽還榮亦如期而反後大旱廣散私穀賑饑至數十斛遠近流寓歸投之戶口十倍

顧和

吳郡人王導為揚州辟從事既而導遣八部從事之部和為下傳及還導問和卿何所聞答曰明公

作輔寧使漏網吞舟何緣採聽風聞以察察為政  
導治嗟稱善永昌初導復請為別駕所歷皆著稱

**劉超** 百珣珣臨沂人元帝時補句容令推誠於物為  
百姓所懷常年賦稅主者常自四出詰評百

姓家質至超所作大禹特別付之使名目書家產投  
函中訖送還縣百姓休甯投上課輸所入有踰常

年 **温嶠** 備太原人為丹陽尹奏王敦逆謀請先為之  
及王含錢鳳奄至都下嶠燒朱崖析以

性其鋒自率眾與賊夾水戰擊王含敗之 **褚翼** 南  
復追錢鳳於江寧事平封建寧縣開國公

陽翟人成帝時為丹陽尹時京邑焚 **庾劭** 郢陵人  
蕩人物凋殘隕收集散亡甚有善政

尹丹陽表除重 **劉愷** 沛國相人累遷丹陽尹為政  
役六十餘事 清整時百姓頗有訟官長者

愷歎曰居下訕上此 **南北朝宋劉義慶** 宋宗室元  
與道也輒寢而不問

陽尹有百姓妻趙殺于婦過赦應徒送避孫仇義  
慶以為骨肉相殘宜求之法外禮有過失之宥津  
無讐祖之文宜共

### 劉秀之

東莞莒人元嘉中再除  
建康令政甚有聲遷丹

天同城無虧孝道  
陽尹時官禁市物不時給  
值秀以為非宜陳之甚切

### 孫謙

莒人為句容令清  
慎強記縣人號為

### 顧憲之

吳郡人元徽中為建康令於權要請託  
長吏會殘據法直繩無所阿徇又清儉

強力為政甚得人  
酒者醇旨輒號為顧建康

### 齊劉懷慰

平原人高  
帝置郡於

瓜步以懷慰為齊郡太守至郡修城郭安集居人  
墜廢田二百頃決沈湖灌溉不受禮謁人有送新

米者懷慰出所食麥飯示之曰食有  
餘幸不煩此著廉吏論以達其意

### 王槁

東海郡  
人為林

陵令清直請謁不行羽林隊主潘敞有寵二宮勢  
傾人主婦弟犯法敞為之請槁投書於地更鞭四

十敬怒諧之  
明日見代  
**梁江革**  
考城人武帝時遷建原  
令為政明肅豪強憚之  
**王志**

琅邪臨沂人天監初為丹陽尹政務清靜有寡婦  
無子姑亡舉備以殮葬既而無以還之志慙其意

以俸錢借馬年饑每旦為粥  
於郡門以給百姓眾悉稱惠  
**孔休源**  
山陰人普通  
中監揚州事

割斷如流旁無私謁每車  
駕巡幸以軍國事委之  
**陳司馬申**  
溫縣人太建  
九年除秣陵

今以清純見紀  
有白雀築縣庭  
**唐楊延嘉**  
麟德中為句容令因梁  
故堤置絳岩湖以溉田

**王昕**  
大厯中為句容令復置絳岩湖周百里  
為塘立二斗門以節旱暵開田萬頃  
**白李**

**康**  
太原人令溧水溫恭誠  
信貞白威嚴邑人祀之  
**宋薛映**  
蜀人知昇州建  
信貞白威嚴邑人祀之

出租牛死租不得蠲帝覽章矍然曰此  
朝廷豈知耶因令諸州條奏悉蠲之  
**馬亮**  
合肥人知

昇州屬歲旱民饑湖湘漕米數十舟適至亮移文守將發以賑貧民因奏瀕江諸郡皆大歉而吏不

之救願罷官羅張詠鄧城人真宗時知昇州民今民轉粟相調張詠以詠秩滿借留就轉工部尚

書令再任時江左旱歉命薛顏萬泉人知江寧府充昇宣等十州安撫使

平人以告顏視其邑動曰王隨河南人知江寧府若真盜也械之果引伏

府發常平倉米計口日給一升隨實不聽曰民所以礙者由兼并開糴以避高價也乃大出官粟平

其李宥青州人知江寧府民有告人殺其子價者民自誣服宥疑召問卒伸其枉楊告

絲竹人通判江寧州監稅商人整舟沈屍江中有被誣告者答服獄具告疑其無狀後數日果得真

盜包拯合肥人仁宗程顥河南人為上元主簿茅時知江寧府

五色民俗嚴奉  
元絳錢塘人  
調江寧推官攝上元

乙被酒相毆擊甲歸卧夜為盜斫足妻稱乙告里  
長執乙詣縣而甲已死絳執其妻曰歸治而夫喪

乙已伏矣陰使信謹吏逆其後望一僧訛笑切  
切私語絳命取僧繫廡下許妻奸狀果吐實 劉

澁

蘇州水五萬斛以餵饑民  
蘇頌丹陽人知

定戶籍剗剔夙蠹簡而易行民有怨爭  
頌喻以柳黨宜相親善民往往謝去 王琪舒人

時知江寧府先是府多大災或託以鬼神人不敢  
救琪召令廂遷具為作賞捕之法未幾得奸人誅

之火患  
李迪濮州人仁宗時  
李若谷維氏人仁宗時

舟過境寒瘡甚者留養視之須春溫遣去  
民旬於道者以分隸諸僧寺助拾春糞 吳中復

永興人仁宗時知江寧府郵兵告巡轄官苛刺繫而鞭之獄其法不至死中復以便宜殘首惡留其

餘入奏 **陸佃** 山陰人哲宗時知江寧府句容人盜為合 嫂害其兄別誣三人同謀既皆訊服

一囚父以冤訴通判以下皆曰彼怖死耳 **沈錫** 真州獄已成不可變佃為閩省三人皆得生

人徽宗時知江寧府張懷素誅朝廷疑其黨有脫者江淮間往往以誣害與獄錫至郡有告者按之

則妄也具疏於朝由 **蔣靜** 宜興人知江寧府茅山是他郡繫者皆得釋 **道士劉混** 原以技進賜

號先朱其徒倚為奸利奪民葦場強市廡舍 詞訟至府吏觀望而不敢治靜悉抵於法 **李彌**

**遜** 吳縣人靖康中建康府牙校周德叛殺官吏嬰城自守勢招輒彌遜以江東判運領郡事單騎

叩賊以蠟書射城中招降賊通款開門迎之彌遜諭以禍福勉使勤王時李綱行次建康共謀誅首

惡五十人撫其餘黨一郡帖然

**葉義問**

壽昌人知江寧府召秦檜所親從同僚不可義問白

釋是則何以服他人卒役之

**權邦彥**

河間人建炎中知建康府劇盜張球殘徽州邦彥遣

裨將平之

**呂祉**

建陽人紹興三年升直龍圖閣知建康府祉到官與通判府事吳若安撫司準

備差遣陳充共議作東南防守利便三奏上之

**張燾**

德興人紹興二十五年知建康府民猶歲

負錢帛鉅萬悉為奏免三十一年復知建康府時金人窺江建業民驚徙過半年燾至人情始安

**趙鼎**

聞喜人高宗朝知建康

**周必大**

廬陵人紹興中教授建康府

**張浚**

隸竹

人紹興三十一年判建康府兼行宮留守浚至建康即購通判劉子昂辨行宮儀物請亞臨幸明年車駕幸建康迎拜道左浚起廢復用風采隱然軍民皆倚以為重車駕將還臨安勞浚曰卿在此朕



無北顧憂矣

**陳俊卿**

興化人嘗權建康府事淳熙中除特進判建康府俊卿去建康十五

年父老喜其再來為政寬簡罷無名之賦

**洪遵**

番易人孝宗時知建康府江東安撫使兼行宮

留守采則揭榜民苗米惟輸正不輸耗聽民自持斛縣庾人不能輕重其子有營卒妄言搖眾斬於

市三軍無敢譁

**李植**

臨淮人乾道元年知建康軍府蕪本路安撫使上書言江防十策疏上帝

嘉其言

**辛棄疾**

歷城人乾道中通判建康府

**劉珙**

崇安人淳熙二年知建康府江

東安撫使會水且旱首奏蠲夏稅錢六十萬緡秋苗米十六萬六千斛禁止上流稅米遇糶得商人

米三百萬斛貸諸司錢台三萬遺官糶米上江得十四萬九十斛籍主客戶高下給米有差起是年

九月盡明年四月數十萬人無一人捐疥流徙者

**范成大**

吳人帥金陵會歲早奏移軍儲

米二十萬賑饑民減租米五  
萬水賊徐五竊發捕戮之  
**黃幹** 閩人倂建康江  
淮豪傑皆歸心

馬  
**葉適** 永嘉人寧宗時知建康府兼沿江制置使  
請節制江北諸州創三大堡緩急應援首

尾聯絡流  
**黃度** 新昌人寧宗時知建康府兼江淮  
民漸歸 制置使至金陵罷科雜輸送之擾

活饑民百萬除見稅二十餘萬擊降盜下整新法  
胡海首以獻招歸業者九萬家韓侂胄嘗募雄淮

軍已收刺者十餘萬人別屯數十人未有所  
屬度憂其為患人給錢四萬復其役遣之  
**徐誼**

温州人寧宗時知建康府兼江淮制置使初金攻  
盧楚不下留兵級濠州以待和時時鈔掠誼畫夜

撫備益  
**史彌鞏** 嘉定中知溧水  
嚴備禦 縣嚴庠序之教  
**吳從龍** 官建康府  
統制紹定

兵難為先鋒援不至被擒使  
至秦州城下誘降不屈死之  
**董槐** 定遠人淳祐中  
為江東安撫使

兼知建康府軍政弛弗治乃為賞三等以教射春秋教肄士卒坐作進退擊刺之技歲餘盡為精兵

### 馬光祖

金華人理安時知建康府兼和州無為安慶三郡屯田使始至官即以常例公用罷

四錢二十萬緡支犒軍民減租稅養鰥寡招兵置若給錢助諸軍婚嫁屬縣歲折收緡緡絹帛倚閭

除免以數萬計興學校禮賢才辟召僚屬皆極一時之選再知建康士女相慶踴除前政通習錢百

餘萬緡魚利稅課悉罷減子民修建明道南軒書院及上元縣學公田法行光祖移書晉似道言公

田法非便乞不以及江東姚希得漢川人理宗時必欲行之罷光祖乃可為沿江制置使

知建康府按行江上慰勞士卒眾皆歡悅溧陽錢發康勸分全活者眾創江寧軍自建康太平至池

州列營置屋二萬餘杜杲邵武人淳祐中擢沿江間屯戍七千餘人制置使知建康府節制

民寓沙上者護以師置貢士莊蠲民租二萬八千

石謝枋得

弋陽人嘗祐中除教授建康府

胡巖起

瀛國公時與貝寶同為銅關將

攻溧水死贈寶武翼郎岩起朝奉郎

葛邲

吳興人為上元丞時余兵至江上乞當敵衝詔度百

出邲不復而邲留守張浚王綸皆罷重之

趙壘之

為上元丞全人過江帥鄉兵迎敵死之贈

奉議郎

汪立信

六安人元兵大舉以立信為沿江制置使俾就建康府庫募兵以援江

上諸郡即以妻子託愛將余明既至則建康守兵悉潰立信知事不可成乃置酒召賓佐與訣手為

表起居三宮與從子書屬以家事夜分扼吭而死已延入建康余明以其家人免已延求其家厚恤

之曰忠臣之家也

程洙

休寧人為上元簿撫字一本經術及代民遮留不得發元兵入建康

沐浴自元張珪定興人至元十七年珪年十六攝  
經死

建康世祖親撫之奏曰臣年幼軍事重聶禎者從  
臣父祖久列行陣幸以副臣帝數曰求老成自副

常兒不知處此厚賜而遭之十九年太岳天禎冠  
平宣歲羣盜起行省檄珪討之悉平

人屢遷建康路總管首定秋明顧佐太原人永樂  
荒之政民立碑以紀遺愛焉

公庶咸重一時然者豪猾檀凱池州人宣德時為  
首為欲手時方之也極云

聲績民十餘人乞即用為府丞朝議不許及九載  
滿當遷巡撫周忱再申前請乃擢為丞凱練習民

事所張弛咸當人龐嵩南海人歷官應天府治中  
心故人愛之不忘

水立惠民莊招復派移集諸生講習新泉書院歲  
時單騎行縣以壺漿自隨一蔬片楮不以煩民

王弼

黃岩人咸化中知深水縣巨猾席勢武斷捕復論死境有湖可田督民築堤遂為良田

寇天敘

榆次人正德時為應天府丞時武宗駐蹕南京江彬等求索無厭天敘攝府事力抑

之與尚書喬宇募拳勇屢與禁軍相搏使不得逞駕駐九月民不至大困者天敘之力為多

王

熾

南城人嘉靖中知上元縣民居近孝陵者以誤殺苑中獸當死熾爭之法官得末減時霍韜官

南京尚書有患政民為歌云禮部霍韜天有日工元程熾月無雲考滿入都搗兩倉頭跨驢而行民

釀金追賄海瑞瓊山人穆宗時進撫應天墨者多笑而却之自免去中人監織造為減輿從瑞

素疾大戶兼并力摧豪強撫徐九思貴溪人嘉靖窮弱豪有力者至竄他郡中如白容縣

訟者至必命與親識議和之不得則以理諭達然於豪滑輩不盡法不止繼乃平重役定糧籍均

轉輸汰浮費事事為便利民大受之生平不嗜內  
惟啖菜嘗繪一菜於堂及九載遷去父老置酒請  
教九思曰惟勤儉遜三字可久耳士民因繆所  
繪菜圖而書三言於上曰此徐公三字經也 徐

**必達**

秀水人萬歷中知溧水縣石臼湖水數為患  
必達築隄萬餘丈植柳固之永為民利邑人

當永樂間坐尚書齊泰姻戚戊開平者三十餘家  
必達奏除其子孫戍籍為令四年民懷德祠祀焉

**董岐鳳**

石屏州人萬歷中知高淳縣時大水田圩  
盡沒乃力請於京尹許孚遠得孤請帑金

三千兩修築又買當塗湖灘作遶浪埂  
以捍南蕩圩田萬七千餘畝至今賴之

**本朝李正茂**

順天人順治二年知江寧府如意結  
理保全甚類捐除煩苛民以安息 趙

**廷臣**

遼東人順治初授江寧江防同知兼理運務  
能盡心職掌酌定運值請著為令軍衛無擾

尤加意生儒優其家屬不以倉運嘗  
攝知府事時當編審更以精核著稱郭士賢

遼東人順

治六年為上元令嘗請上官捐贖錢以充倉  
糧蠲民之困於歲者邑人德之久而不忘

崔掄

奇

夏邑人順治中為高淳令邑倚因虛糧賄累掄  
奇至請於巡按上官鉅題復永折淳人大悅尤

加意課士淳之得  
雋者皆所識拔

閔派魯

祥符人順治中為溧水  
令邑民素苦賦役不均

派魯至計糧分里刊為成書曰均里平徭冊民甚  
便之又力請題折瀟湖被水虛糧之田溧自是無

賄累之患  
饒應元

斷水人順治中為溧水令性長厚而  
有執持有妖婦曹氏以邪教惑人應

元發其奸戮之邑戶役不均應元定三十八戶  
為一排兩戶為一丁自是輕重不畸邑人稱便

劉

澤嗣

吳橋人康熙中知高淳縣臨政嚴肅荏苒  
跡修黉宮飭郵傳創育嬰堂民不勞而事舉



于成龍

漢軍鑲紅旗人康熙中知江寧府時總督永寧於屬吏少許可獨獎成龍才由通州

牧題守江寧與利除弊知無不為是時徐州有奸民某走京師以左道惑眾上告事下制府檄江寧鎮江兩守會鞠成龍力白冤狀制府疑故縱詰責甚厲成龍持之愈力奸民卒生誣瀕江蘆洲多為豪強隱佔成龍以有課而無洲者為毋江立予豁免有洲而無課者為欺隱陞課而簿其罰人皆服允其平

欽定大清一統志卷五十二

欽定四庫全書

欽定大清一統志卷五十三

江寧府

四

人物漢李南

丹陽句容人少篤學明於風角永元中太守馬稜坐事徵詣廷尉吏民不寧南

特通謁賀稜曰旦有善風明日中時應有吉問明日果有驛使齎詔書原停稜事後舉有道辟公府

不行終於家

晉陶璜

丹陽秣陵人仕吳累建功績皓降晉手書遺璜歸順璜流涕歎日遣

使送印綬詣洛陽璜弟濬濟弟抗濬子湮皆有名

薛兼

丹陽人清介有才少與紀瞻閔鴻顧

榮賀循齊名號五雋初入洛紀瞻丹陽秣陵人祖張華見而奇之曰皆南金也

陝光祿大夫瞻少以方直知名元帝引為軍諮祭酒以討周馥華軼功封都鄉侯又論討陳敏功封臨湘縣侯尋轉尚書上疏諫諱多所匡益瞻才兼文武朝廷稱其忠亮雅正俄轉領軍將軍王敦之逆帝使謂瞻曰卿雖病但為朕卧護六軍所益多矣乃賜布千匹賊平自表還家詔以為驃騎將軍遣使就拜止家為府卒贈王鑒堂邑人少以文筆開府儀同三司謚曰穆

王鑒堂邑人少以文筆著稱初為元帝琅邪國侍郎時杜弢作逆江湘流弊王敦不能制鑒上疏勸帝征之帝即命中外戎嚴將自征弢會弢已平中止中興建拜駙馬都尉文集

南北朝齊陶

季直

丹陽秣陵人五歲喪母哀若成人及長好學淡於榮利徵召不起時人號曰聘君宋末為

望蔡今以疾免齊時歷東莞北海建安太守為政清靜百姓便之梁臺建辭疾還里卒季直素清苦

絕倫及死無贖殮資  
間者傷其志事云  
**梁陶子鋸**  
宋末為倖臣所怨

被繫子鋸公私緣訖流血稽顙行路嗟傷兄得釋  
初子鋸母嗜蓐母沒後常以供奠梁武帝師至此

年冬營蓐不得恻絕  
久乃蘇遂長斷蓐味  
**陶宏景**  
丹陽秣陵人幼得葛

之志讀書萬餘卷齊高帝引為諸王侍讀雖在朱  
門閉影不交外物永明十年上表辭祿乃遍歷名

山尋訪仙藥特愛松風每聞其響欣然為樂性好  
著述尚奇異梁武帝即位每有吉凶征討大事無

不諮請時人謂之山中宰相  
子籍歷餘杭錢塘令工詩  
**紀少瑜**  
丹陽秣陵人本姓吳養於

紀氏因而命族早孤有志節才藻新拔嘗夢陸倕  
以一束青篋管筆授之其大因此適進年十九始

遊太學備探六經博士東海鮑敝雅相欽悅大同  
七年引為東宮學士吏部尚書劉涇嘗曰此人

大才將拔之後除  
武陵王記室參軍  
**北齊蕭放**  
建業人梁武帝弟之  
孫隨父祇至鄴父卒

居喪以孝聞所居廬室前有二慈烏來集各據一  
樹為巢自午以前馴庭飲啄午後更不下樹每臨

時舒翅悲鳴時  
以為至孝之感  
**陳吳明徹**  
秦魏人幼孤性至孝感  
壻未修家貧無以取

給乃勤力耕種時天旱苗枯明徹每至田中號哭  
祈天田苗忽更生秋而大獲足充葬用仕陳歷有

軍功武帝受禪授安南將軍太建五年議北征明  
徹決策詔加侍中總衆軍進克仁州封南郡公逼

壽陽擒王琳等詔以為車騎大將軍進攻彭  
城又大破齊軍進位司空都督南兗州刺史  
**隋耿**

**詢**  
丹陽人從高智受天文算術創意造渾天儀又  
作馬上刻漏世稱其妙煬帝即位進欝器以詢

守太史丞字文化及裁  
道詢欲去之為所殺  
**唐王昌齡**  
江寧人官龍標尉以世亂還鄉

里為刺史聞邱曉所殺昌齡工  
詩緒密而理精時謂王江寧云  
劉鄴句容人父三復仕至刑部

侍郎宏文館學士鄴少依李德裕歷中書舍人遷承  
旨德裕以朋黨抱誣死鄴申直其冤世高其義以

禮部侍郎同中書門下平章事後為鳳翔節度使  
黃巢方城帝西狩追乘輿不及賊捕急不屈見殺

許叔牙

句容人邃於詩禮貞觀間拜宏文館直學  
士獻詩纂詩義十篇于子儒高宗時與北

郊禮皆以  
博學名家  
宋刁衍昇州人金陵千從李煜歸宋授  
太常寺太祝太平興國中詔羣

臣言事上諫刑書遷大理寺丞獻文四十篇真宗  
即位獻所著本說十卷預修冊府元龜書成授兵

部郎  
中  
孫繼鄴金陵人祖謙事李昇戰死父承廡憤  
將兵者不如期致其父歿刺殺之

太宗授三班奉職宜州陳進反曹利用辟以自隨  
為前驅破賊於大烏嶺晁迥薦為開門祗候上禦

戎策十

### 秦傳序

江寧人淳化中充夔峽巡檢使李順之亂傳序督士卒晝夜拒戰嬰

城既久危感日甚出囊橐服玩盡市酒肉以犒士卒眾皆感泣力戰傳序度力不能支乃為蠟書遣

人間道上言誓不降賊城陷赴火死子爽邈峽求父屍溺死人以為父死於忠子死於孝奏至太宗

嗟惻久之錄其次子照為殿直以錢十萬賜其家

### 洪湛

昇州上元人舉進士有聲咸平中試

舍人院復直史館使荆湖按視民事條奏利病甚眾凡五使西北議邊要真宗顧遇甚厚曲宴賦詩

不移晷以獻

### 王綸

建康人幼穎悟十歲能屬文登紹興進士第累官監察御史與

秦檜論事忤其意罷去檜死遷中書舍人高宗收攬威柄召諸賢於散地詔命填委多論所草歷除

資政殿大學

### 秦鉅

江寧人通判蘄州金人犯境與卒監章敏

郡守李誠之協力捍禦救援不



至城破鉅猶以親兵巷戰死傷畧盡鉅歸署疾呼  
吏人火諸倉庫乃赴一室自焚有老兵冒火抱出

之鉅叱曰我為國死汝輩可自求生掣衣赴火死  
子浚先往四祖山兵至亟還與弟俱殉難詔立廟

祀之賜 **元樊淵** 少客人幼失父事母篤孝至元十  
頌棄忠

母淵抱母號哭以身代死兵兩釋之三十年江東  
廉訪使者辟為吏母亡奔喪哀感行路服闋奉神

主祀之起居飲食十年如平生臺 **李桓** 上元人累  
憲交薦淵不忍去墳墓終不起

學提舉以文鳴江東好 **明陳遇** 上元人元末為溫  
徐豐潤學者多傳之 州教授尋棄官隱

居樂迨太祖下金陵遣使聘至留幕中恭密議優  
禮備至既成帝業累授翰林學士禮部侍郎皆不

受帝終始敬信稱為先生而 **端復** 初溧水人洪武  
不名學者稱為靜誠先生 初授磨勘司

今案贖填委勾稽無遺性嚴峭人不可干以私連刑部尚書用法平允出為湖廣叅政令民來歸者復其賦一年流亡畢歸子孝文孝思先後使朝鮮並著清節朝鮮人為立雙清館

**孫炎**

句容人

詩負經濟太祖下集慶召見與語大說命為中書省掾預計謀從征浙東授處州總制禮毀劉基章溢葉琛送至京師苗兵亂執之炎大罵賊怒拔刀解衣炎曰此紫綺裘主上所賜吾當服以死遂見

害贈丹

**周琬**

江寧人洪武中父為滁州知州生罪陽縣男

論死

琬年十六詣闕請代帝疑為人

所教命斬之琬顏色不變帝異之命宥父謫戍邊琬復請就刑以贖父戍帝怒命縛赴市曹顏色甚

喜帝知其誠赦之題御屏曰

**齊泰**

溧水人洪武進士歷兵部侍郎

大祖器之臨崩召授顧命輔皇太孫立進兵部尚書建劄奪諸王之策及燕王入京泰被執不屈死

禍及魏澤高澤人洪武中官刑部尚書建文時謫  
寧海縣丞文皇誅方孝孺族黨孝孺幼

子德宗甫九歲澤百計匿之  
得免孝孺有後澤之功也  
丁璿上元人永樂進士由御史督大

同宣府軍儲麓川蠻叛來傳往視言用兵便宜遂  
命撫雲南督餽餉麓川平召為左都御史所至有

政楊洪六合人祖職為漢中百戶胡開平勇敢  
善戰撫士有恩嘗從成祖北征至鄂諾河

獲人馬運帝曰將才也宣德正統間以敢戰知名  
歷左都督充總兵官鎮宣府迨北亦憚之稱為楊

王景帝監國封昌平伯額森逼京師率所部入衛  
迨至紫荆關進侯運鎮宣府卒贈願國公諡武襄

洪久居宣府御軍嚴肅士馬精強為一時冠從子  
能屢樹邊功封武強伯鄂諾舊作幹難額森舊作

也先楊信洪從子幼從洪擊賊興州賊將羅馬出陣  
信直前搏戰擒之以是知名於景泰中為

為副總兵鎮宣府天順初擊賊有功封彰武伯卒  
贈侯謚武毅洪父子兄弟皆佩將印一門三侯伯

戚名震 巫凱 句容人由百戶積功至都指揮同知  
邊陲 永樂中從平交趾屢遷都督僉事宣

宗立以總兵官鎮遼東凱饒智畧御下嚴而有恩  
在鎮三十餘年威惠並行前後守遼者皆莫及

張益 江寧人永樂進士選庶吉士改中書舍人預  
修太宗仁宗宣宗實錄博學強記詩文標筆

立就累遷侍讀學士正統十四年入直文淵  
閣扈駕北征沒於土木贈翰林學士諡文僖 龐景

華 上元人九歲喪父即哀毀奉母訓立學母疾剗  
股嘗糞鄰火將及抱母號呼火遂息及卒廬於

墓盜聞哭聲而去天順中旌表 王貞慶 上元人附馬都尉寧之子  
去天順中旌表 寧在戚里中以文雅著貞

慶尤折節好士有詩名景泰間十 王徹 上元人天  
才子貞慶其一也時稱金粟公子 順進士除

南京給事中憲宗初請開言路敬大臣乞罷兵部尚書馬昂禁中官無預政事帝頗納之其冬皇后

廢極陳中官牛玉交構罪備論宣寺干政之禍帝大怒謫普安州判官終陝西參議

**盧雍**

江寧

人由進士歷福建參議父喪葬廬墓產芝十三本成化中旌表

**戴睿**

句容人同居七世成化中

旌表**張瑄**江浦人正統進士歷刑部郎中有能聲景泰時賜勅為吉安知府擢廣西布政使皆

有善政成化中以右副都御史巡撫福建時賊黨降救獎勞改撫河南亦有聲終南京刑部尚書

**倪岳**

上元人天順進士改庶吉士授編修宏治中累官尚書有詔召國師領占竹於四川岳極

言不可事竟寢每遇修省輒陳軍國弊政剔扶無遺改南京吏兵二部還為吏部尚書岳有文武才

善斷大事既秉銓請託不得行尤嚴邪正之辨天下想望其風采踰年卒贈少保諡文毅岳父謙南

京禮部尚書亦諡文信明世始莊景江浦人成化進士改庶吉士授

檢討與編修章懋黃仲昭疏疎元夕張燈忤旨廷杖先羅倫亦以言事被黜時稱翰林四諫改南京

行人司副以憂去卜居定山二十年安貧樂道學者稱定山先生宏治中奉詔強起終南京吏部郎

中景持身慕伊川接人慕明道生平不尚著作有所得輒見之於詩天啓追諡大節邵清

江寧人宏治中由鄉貢教諭擢御史正德初巡長蘆鹽課與中官忤劉瑾矯詔杖之闕下削籍去世

宗朝歷廣西僉事歸無室廬依外氏以居疾革謂其子曰為己謹獨甚難純純業業至蓋棺無過心

始釋耳鄭斌江寧人宏治進士由刑部郎出為南昌知府時宸濠蓄異志招納巨盜潛劫江

淮獄捕之急濠誣奏獄播殺王府校尉構錢寧矯旨撫按究問濠令先械入府辱之萬狀濠反因械

繫之於小船使卒圍守之忽風吹船開見鄰船舊卒密諭以禍福卒為感動遂解其縛奪馬潰圍

一呼從者千人斬濠將范成等馳赴贛撫王守仁備陳賊勢守仁使為巡徼俘賊三十餘人濠平擢

山東鹽

楊銳

其先蕭縣人以衛籍家上元正德中署指揮僉事守安慶獲江賊銳曰江

賊何足憂所憂者豫章耳指宸濠也又以九江為鄱陽上游宜置湖口戍乃繪圖呈樞臣及濠反銳

先引軍設鉤距於江側寇船抵岸輒破壞濠堂凌十一父子先登銳發矢皆斃之濠怒率眾分攻五

城銳設方畧拒之焚溺無算乘勝捕斬寇大敗血濠平進都督僉事歷鎮遼東淮安罷歸卒囊無餘

貲典衣

顧璘

上元人宏治進士除廣平知縣善摘發有吏能正德初知開封府忤鎮守

中官王宏下獄謫官嘉靖時歷浙江左布政使不踰年囊弊悉除巡撫湖廣尤著政績章聖太后崩

以工部侍郎督山陵宮殿諸役程工節財事集而  
民不用論功進尚書改南京刑部璫當官守法善  
詩古文一時 **劉麟** 本安仁人世為南京廣洋衛副  
名士咸歸之 千戶因家馬宏治進士適言官  
龐泮等言事下獄麟偕同年生陸崑抗疏論救正  
德初歷紹興知府劉瑾銜之罷為民瑾誅起官嘉  
靖時累擢工部尚書初四司所用財物司官動多  
侵漁麟請特除一即官主之又上節財十四事內  
府諸監局冒破金錢減汰什四 **梁材** 南京金吾右衛  
五屏小大恨及卒贈太子少保 人宏治進士  
授德清知縣勤敏有異政嘉靖時累遷戶部尚書  
議上節財數事多報可經費大省中官麥福請盡  
徵牧馬草場租材不可從之請禁勲戚陳乞土田  
帝褒納命並清核已賜者積患稍除材守章程慎  
出納部政肅然以母喪去服除起故官時脩建兩  
宮七陵數與郭勳忤罷歸已復召凡三掌邦計砥



節如一日卒贈太子太保諡端肅

### 王韋

上元人少有器識林俊儲

陳沂相廟為詩古文宏治末舉進士性耿介歷官有聲仕至南京太僕少卿丁母憂哀毀卒

### 李

熙上元人宏治進士官南京御史正德元年以災異偕同官陳十事多切時弊尋與同官葛浩等

乞留劉健謝遷罪劉瑾馬永成等下詔獄于杖除名世宗立起饒州知府遷浙江副使以清操聞

### 張英

金吾衛都指揮武宗將南巡禁苑水涌橋柱折如斬英曰此變徵也駕出必不利乃肉袒

戰刃於胸囊土數升持諫疏當蹕道跪哭刺血流地衛士奪刀縛送詔獄問囊土何為曰恐汚帝迹

灑土揜血耳詔杖之八十遂死世何遵南京欽天宗立賜贈祭福王時追諡忠壯

進士為工部營繕主事時江彬導武宗遊幸徧祀名山遵權木荆南還疏言淫祀無福彬匿不以聞

遵復與同官林大輅蔣山卿上疏乞罷遊幸勿為  
奸邪盡感彬矯旨下遵等於獄復荷校暴干門外  
五日杖五十罷遣遵體素羸又憤所言不達瘡潰  
三日卒嘉靖初贈尚寶卿庶一子入太學詔禮部  
專祠 **王鑿** 錦衣衛籍正德進士觀政吏部著治原  
祀之 **王鑿** 三篇太宰楊一清與之補文選主事不  
通請謁人無有誠其面者歷驗封郎中 **顧璘** 弟正  
武宗南巡上疏力諫廷杖幾斃踰年卒 **顧璘** 弟正  
德進士歷南京兵部郎中有清操所親生事屬璘  
父為解璘不可竟正其罪魏國公子以冒濫得錦  
衣嘉靖初奏詔清汰尚書欲庇之璘卒落其職歷  
官河南副使以正直為同官所惡罷官璘好學能  
詩文歸家貧有時絕糧璘貽 **陳沂** 鄭人家南京幼  
以斗粟亦不受其介行如此 **陳沂** 聰穎正德進士  
官編修嘉靖中以太僕乞歸築遂初園杜門著書  
絕意世務所著詩文曰拘虛集書學東坡旁及篆

隸繪事咸稱能品 **王暉** 句容人正德進士以吉安推官從

偕廷臣伏闕爭大禮下獄廷杖累遷戶部尚書總督倉場暉好學敦行誼歷官著清操後與王杲俱

下獄斥為民不以 **王以旂** 江寧人正德進士以御其罪時論惜之 **史** 按河南世宗繼統欲

加興獻帝皇號抗言不可已上弭災要務曰勤聖學信詔令防矯偽公賞罰累擢兵部尚書督團營

改督三邊軍務在鎮六年盡瘁邊計寇至輒擊敗之化卒軍民罷市帝亦哀悼贈少保謚襄敏 **桂**

**勇** 應天衛人嗣世職為千戶中武會試世宗時充叅將督巡捕軍號今嚴善稽察盜賊屏息京師

肅清流賊宋銳楊恭掇京東以勇為總兵官討平之歷官右都督掌後軍都督府兼捕務勇持重識

大體典捕務最久 **劉璽** 南京龍驤衛人幼有孝行能止盜民甚安之 **為** 諸生能自力學襲世職

指揮同知嘉靖中歷督漕總兵官清慎自持莅事五年軍民懷德罷歸行李蕭然書數卷而已

金

琮

上元人為高簡粹白公卿貴人非先施不造其門工詩善書文徵明極喜之得其片紙裝潢

成卷題曰積玉

許穀

江寧人好讀書博涉精詣以文名嘉靖進士官至南京尚寶卿罷歸嗣顧

璘主詞壇歸田三十年未嘗通書政府縉紳至南京造門求見不報謝所著歸田諸集

武暉

溧水人官台州知事嘉靖三十一年倭入犯暉追至釣魚嶺力戰死上官不以聞其子尚實訴於朝

贈太僕丞

焦竑

江寧人學於耿定向羅汝芳舉嘉靖鄉試定向遴十四郡名士請書崇政書院

竑為之長萬歷十七年殿試第一官修撰時皇長子出閣擇講官六人竑與馬嘗講次羣馬飛鳴皇長子仰視竑肅立輟講皇長子飲容聽乃復講如初講畢備陳先朝典制及問閭疾苦為養正闡說

採古儲君事可為法戒者擬進之同官沮之遂  
止所著有易筌禹貢解避國忠臣錄澹園集

**至學**

高淳人父病到股以療母目失明以舌舐之  
遂能視父母歿並廬墓三年天啓中旌表

**何棟**

如江寧人萬歷進士授襄陽推官值苗亂棟  
如遣將至一桂討平之中官陳鳳開青山

礦棟如以顯陵發脈地繪圖疏開事得寢復開殺  
城宜城其黨縱掠棟如執其瓜牙二十人當以大

辟端布飛語激上怒逮棟如下詔獄在繫益請易  
習兵法以星變釋歸天啓中遼報狎至棟如上書

請自劾因募兵得七千人以太僕少卿行邊魏瑞黨  
以冒餉勅之遂逮下詔獄許顯純為鎮撫鍛鍊考

掠屢絕而蘇久之戍 **梁志仁** 江寧人舉於鄉授衛  
滁陽崇禎初復職 陽知縣調羅田崇禎

八年賊羅汝才攻城陷志仁持長矛巷戰殺六賊  
力屈被繫大罵賊碎其支體而焚之妻唐氏亦不

賜諡烈愍 辱被殺事聞贈蘄州知州乾隆四十一年 姚九疇

江寧人為浦口守禦崇禎八年冬賊圍江浦九疇從遊擊汪之斌赴援五戰皆捷城賴以完之斌議搜山阻之不聽中賊伏九疇率所部救出之斌於重圍賊悉眾擊之援絕矢盡誘降不屈罵賊死

張可大 上元人世為南京羽林左衛千戶舉武進士歷都司僉書分守瓜瓜州儀真淮撫李三

才使錄稅監魯保遺帑却其家千金之餽葉向高嘗稱之曰此不獨良將且良吏也歷都督僉事鎮

登萊都城戒嚴率師入衛以守城功進右都督孔有德陷遼州不屈死之贈太子少傅諡莊節建祠旌忠乾隆四十一年

賜諡節愍 袁繼登 南京人崇禎末由選貢知安化縣賊李自成陷城被執求速死賊殺之

黃金璽 江寧人崇禎中舉武鄉試南京不守大書於壁曰大明武舉黃金璽一死以愧人臣



居兄弟子姓百口共慶時稱其孝友 **史允琦** 上元人幼孤事母弟有至性順治丁亥進士

兩為福建推官屢雪冤滯 **蔡祖庚** 上元人順治已丑進士授甘泉

今以政最陞戶部郎歷守太原正定 **白夢龍** 江寧人康

熙庚戌進士官大理評事夢龍少與兄夢鼎俱崇尚志節雁黨獄幾不免時有二白之目及居官多

所平反都御史魏象樞稱之庚戌補 **張蘊** 字鑑

行福建鄉試夢龍為考官得士極盛 **張蘊** 字鑑

寧人知山西汾陽縣江襄叛蘊守西關賊破東關入逼印綬蘊妻狀氏及長子璋自斃襄誅叔撫殘

黎仍前職 **董三策** 江寧人康熙癸丑武進士萬理府事卒 **王應憲** 上元人少百餘里所向無前遂抵復縣城 **王應憲** 上元人少恃勇復深入黎洞中毒矢死



文行推重於鄉隱居著述  
張自超 高淳人康熙癸  
未進士博極羣

書研究經史期於躬行實踐釋褐後授經  
講學文行日著所著有春秋宗朱辨義 黃虞稷

字俞邵江寧人康熙間以薦授翰林纂修明史做  
歸卒於家虞稷工詩文才思馳發家有千頃堂藏

書最富

### 流寓三國吳諸葛瑾

琅邪人避亂江東孫權周為司  
馬使蜀通好與其弟亮公會相

見退無私言  
子恪亦知名 晉周 顯

汝南人居鍾山下清貧寡欲  
後應詔出任累官國子博士

### 南北朝齊明僧紹

平原高人明經有儒術建元初  
徵為正員不就遁隱江乘攝山

高帝謂其弟慶符曰卿兄高尚其事亦克之外臣  
朕夢想幽人固已勤矣所謂徑路絕風雲通賜竹

根如意筍籜

冠時以為榮

**陳馬樞**扶風郿人六歲能誦孝經論語長而博樞經史隱於茅山

陳文帝徵為度支尚書辭不應命鄱陽王為南徐州刺史固請乃行王別築室以居之樞惡其崇麗

乃於竹林間自營茅茨而居有白燕巢其庭樹馴狎几案春來秋去凡三十年

**唐李白**

山東

人崔宗之謫官金陵與白詩酒唱和嘗月夜乘舟自采石達金陵白衣宮錦袍於舟中顧瞻笑傲旁

若無**蕭穎士**晉陵人客金陵永**宋鄭俠**福清人隨王璘召之不見父官江寧

閉戶苦學王安石知其名邀與相見稱獎之**明黃宏**鄞人著籍孝陵衛

左叅議賊閔廿四既降復恃宸濠勢剽掠九江工下宏發兵捕之宸濠反被執宏憤怒以手拮向柱

感項是夕卒賊義而棺殮之子紹文奔赴求得其棺以偽命治殮非父志亟易之扶歸

列女漢李南女

為由拳縣人妻南明於風角女盡得其術嘗晨詣燮室卒有暴風婦從姑

求歸辭其二親姑不許乃跪而泣曰家世傳術疾風卒起先吹竈突及井此禍為婦女主燮者妾將

亡之應因著其亡日乃聽還家如期病卒南北朝宋會稽長公主武帝

徐遠之身居長嫡為文帝所禮家事大小必諮而後行有不得已輒號哭上甚憚之上嘗就主第行

宴集涕泣為義康乞命及義康得罪齊蕭疑妃庾事連徐湛之主又號泣湛之得全

氏有女工婦德宋時武帝及疑位宦尚鞋家又貧薄庾氏微已損身以相營奉兄弟晚運饑疫未

嘗不迎時先辦五代南唐聶氏太平鄉民女也父嶷薨後亦亡早歿與母居隨母

採薪母為虎攫去踣踞方食聶持柴刀自虎後躍登其背按項連割之虎斃因收母屍時年十三

元闕文興妻王氏

建康人。文興從軍漳州。王氏俱行至元十七年。陳帛眼作亂。

攻漳州。文興率兵與戰。死之。王氏被掠。義不受辱。乃結賊曰侯吾葬夫。即汝從也。賊許之。遂脫得負。

屍還。積薪焚之。火既熾。即自投火中死。

曹子英妻尤氏

漂水人。夫死。嚙指血。誓不

再醮。袁氏孤女

漂水人。年十五。其母嚴氏孀。居極貧。病癰。臥牀數年。女事母至孝。至正

十二年。兵火延其里。鄰婦強攜女出避。火女泣曰。我何忍舍母去。同死而已。遂入室。花母共焚而死。

花山節婦

失其姓氏。至元間。為兵所逼。至崇賢鄉。碑亭嚙指出血。題詩碑上。有過望花山。

何處是之句。遂自經死。

明劉彥陽妻女

元末。彥陽為平江倉官。卒於任。明初。兵亂。

妻孫氏。與一子二女。守櫬邸舍。城陷。子死於兵。孫氏被掠。犯之不從。遇害。長女貞。年十八。次女潔。年

十六兵脅之行二女給之曰願相從但得埋父  
母骸骨免暴露兵從之遂至江浦皆赴水死 楊

氏

上元人安陸侯吳復之妾復守黔陽卒於官  
楊自經以殉高帝手詔褒之追封貞烈夫人 朱

約妻石氏

句容人歸約甫一歲約病未侍湯藥三  
年不懈約卒守節終身洪武中旌表

鄭鉉妻郭氏

六合人歸鄭鉉不得於父恒悒悒  
不樂氏曰子第盡孝何患不慈翁欲

以非禮加婦氏厲色拒之嚙指出血曰所遭  
遇若此惟有死耳遂沈於河宋濂為之傳 鄭瓘

妻袁氏

六合人年十八未歸而瓘得疾不能治氏  
告於父母歸鄭侍湯藥二年不懈及歿求

自盡家人救之得不  
死守節終其身焉

武定橋烈婦

靖難後誅戮臣  
僚妻子發教坊

或配象奴有一烈婦題詩衣帶赴武定橋河而死  
失其名姓詩曰不忍將身嫁象奴手提麥飯祭亡

夫今朝武定橋頭死  
要使清風滿帝都

陳忠妻王氏

上元人忠守交趾氏隨之官會

黎人叛忠陣亡氏與二女登竹筏出交趾東海城  
進海門潛賂賊徒收忠屍殮之扶柩浮海南歸以

葬紡績度朝夕歷二十餘年  
卒人謂夫婦忠節兩不愧云

王烈婦

上元人夫汪姓嗜酒廢業

僦居江東門積善橋破屋一間以竹蓬隔內外婦  
績麻自給夫與博徒李遊李悅婦姿謀亂之夫夜

持脯酒與李俱至引婦共至婦不從夫怒笞婦婦  
度不免夜潛攜幼女生河干自投河死是夜大風

雨屍不漂沒及曙  
女尚熟睡草間

張豫妻倪氏

江寧人豫卒氏年二十六撫二孤成

立守節五十年  
宣德中旌表

蔡烈女

上元人少孤與祖母居一日祖母出有僧乞食挑之

不從扶以刃拒益堅僧送兇女徒手搏之受傷十  
餘皮罵不絕宛轉死竈下僧已遁去官行驗忽來

首伏官怪問故僧曰陳伯妻黃氏江寧人伯疾篤  
氏誓不獨生一

日姑扶伯起坐氏熟視曰嗟乎病至此吾無望矣  
走竈下碎食器刺喉不殊以厨刀自刎而卒年二

十黃善聰南京人年十三失母父販香為業憐其  
無依改男裝從遊廬鳳間數年父卒變

姓名曰張勝仍習其業踰年返南凌氏女高淳人  
京省其姊改裝始知即善聰也許配王

純姪未嫁而夫死純慕其色謀為妾父欲許之女  
覺即自縊救之得蘇誓不他適年六十卒宏治中

旌王宗妻柴氏江寧人宗病篤語柴曰可及時改  
適不必待服闋也柴俛首哽咽及

宗卒即入別室自吳達妻俞氏江浦人年二十二  
經死正德間旌表而夫死矢志守節

有求配者詈之屢欲自盡家馮鑑妻江氏六合人  
人覺而止之正德間旌表鑑死躬

紡織以奉姑教子有法年八十餘卒嘉靖間旌表

### 本朝王某妻汪氏

上元人順治己亥海寇薄近郊氏家幕府山下懼見辱赴池水死時

深水陸思賢妻父氏遇賊不辱亦自殺

### 蔣奇玉妻梁氏

江寧人夫病篤籲天求代

知必不起積薪先自焚死鄉里哀之

### 高烈婦

江寧人夫姓吳為鹽僮氏年十七夫歿舅欲以

甥某入贅氏潛具厄酒至夫墓拜哭而返夜自經

### 李順妻林氏

上元人夫亡喪畢誠

死康熙六十一年棟卒於義烏典史任氏扶觀歸里絕粒七日嘔血

旌又上元趙國棟妻錢氏因

### 詹某妻周氏

江寧人少無父母歸詹後繼姑行械艷氏貌美導以淫不從繼姑凌

通百端氏密紉上下衣夜自經死

### 王氏女

上元人許字沈邦彥早夭女欲過門守貞父不



許女刺血書貽父曰生則沈氏人死則沈氏鬼題墓曰沈門王氏足矣遂自縊雍正五年旌又江

寧朱氏女未婚夫亡自經任氏女許字楊存敏聞訃誓不更適或將委禽焉女聞遂墮樓死鄭端聘

媳某氏聞端子訃趙氏女江寧人幼字葛某遠商題絕句二首自縊

之父迎女於家歷二十餘年傳葛某已沒女即密紉其衣投繯死王性善妻潘氏

句容人夫亡繼姑逼嫁氏自縊雍正五年旌又上元常復妻劉氏夫亡一慟而絕金升妻

許氏江寧人嫁三月夫亡欲死以殉救免母攜歸閨七年終不食死雍正八年旌又同縣蘭

藻妻費氏梁璣妻顧氏陳瑞陽妻沈氏吳國賢妻蕭氏陳應龍妻周氏朱玉鉉妻周氏陳憲妻談氏

陸雲祥妻上官氏生員徐琬繼妻倪氏魏汝智妻程氏田嘉佑妻周氏費應宏妻王氏周公安妻陳

劉氏業方標妻周氏周世績妻李氏盛景公妻陳	震妻唐氏王玉章妻陳氏薛蘭孫妻子張瀚妻	陳學斌妻虞氏吳淦妻孫氏張義球妻金氏任爾	氏楊文澍妻鄭氏朱鏡未婚妻王氏陳沂妻張氏	妻程氏徐瑾妻陳氏王子章妻楊氏宋嘉爵妻雷	之熊妻楊氏陳篤行妻李氏吳德彬妻徐氏汪儀	人鄧輝繼妻陳氏汪依妻顧氏張天墉妻曹氏吳	畢道昌妻王氏芮之芳妻王氏胡邦真妻任氏舉	李氏周枚妻吳氏王廷鑑妻李氏趙觀國妻劉氏	龍妻周氏楊芳植妻繆氏蔣國正妻滕氏戴璟妻	必遵妻麻氏劉必遂妻徐氏林一鸞妻鄭氏余夢	陶楫妻父氏顧椿繼妻蔡氏監生陳秉妻顧氏劉	氏監生朱之琪妻曹氏官生葛順仁妻陳氏生員	朱龍光妻巫氏生員林鍾琮妻朱氏游國珍妻方	能繼妻張氏李長琦妻劉氏葉文志妻朱氏生員	氏監生賈怡安妻周氏林鍾琦妻葛氏生員唐仲
---------------------	--------------------	---------------------	---------------------	---------------------	---------------------	---------------------	---------------------	---------------------	---------------------	---------------------	---------------------	---------------------	---------------------	---------------------	---------------------

氏尹衡妻張氏羅興繼妻朱氏育生李芳奇妻劉氏邵學成妻袁氏王惠公妻錢氏慎傅妻田氏楊	拚妻郭氏朱丹書妻林氏萬維智妻朱氏監生張世正繼妻汪氏妾錢氏陳嘉諫未婚妻周氏程必	誠妻汪氏崔永仁妻蔡氏楊廷楫妻曹氏張士鈺妻鄧氏吏員費篤鰲妻朱氏監生賈道齡妻馮氏	生員顧坤繼妻朱氏武生汪驥妻許氏王魯佩妻陶氏汪浩妻林氏武生張團昌妻曹氏並於乾隆	年間 表 陳嘉元妻潘氏 上元人夫亡守節又同縣談自新妻馬氏謝瑩妻張氏宓	行正妻王氏沈尊一妻朱氏童維新妻王氏朱國丞妻周氏童維新妻李氏生員畢大章妻高氏生員許觀繼妻汪氏王子尚妻汪氏焦成德妻孫氏邵敬妻戴氏陸嗣曾妻王氏郎璜妻蕭氏十圖南	妾王氏袁楷妻鄒氏程世楷妻余氏方瑤次妻劉氏生員湯自新妻朱氏監生王巖妻趙氏生員程位
--	--	--	--	---------------------------------------	--	---

妻吳氏許子先妻張氏程雲從妻高氏徐漢良妻  
姚氏楊德滋妻孫氏孫成道妻徐氏王廷相妻薛  
氏熊夢鵬妻包氏朱振絃未婚妻何氏簡瓊妻梁  
氏吳瑛妻李氏吳源妻孫氏監生方雲顧妻王氏  
佟國勳繼妻朱氏劉啟避妻夏氏守備何文環妻  
陳氏張益陽妻劉氏武進士龔鵬繼妻蘇氏曹登俊  
妻李氏諸世蕃妻吳氏陶永學妻葛氏李貞妻劉  
氏俞天育妻曹氏祁正經妻賈氏監生鄧璩妻李  
氏潘起鳳妻藥氏李仙桂未婚妻洪氏監生方求  
晟妻鄧氏監生張植妾韓氏監生王廷俊繼妻陳  
氏陳秉廉妻郭氏生員徐浩妻宋氏葉瑄妻張氏  
呂千士妻張氏生員葉藩妻汪氏吳惟肖妻董氏  
生員蔡祖修妻武氏王兆昌繼妻陶氏王惟翰妻  
張氏吳佩朝妻秦氏李春隆妻陳氏監生林有顯  
繼妻朱氏陳致廣妻王氏詹士美繼妻趙氏王家  
珍妻唐氏王威忠妻周氏王君和妻馬氏丁煥妻

劉氏許永吉妻王氏王諫忠妻陶氏李盛之妻王氏  
蔣昌祖妻俞氏袁公弼妻倪氏一等侯張宗仁妻  
周氏方印鸞妻審氏生員張大綬妻裴氏冷星雲  
妻王氏曹天賢妻陳氏魏甫璣妻葛氏王良生妻  
馬氏程崧妻王氏生員武洛妻林氏章景齡妻吳  
氏武泗妻林氏蔣耀妻張氏監生葉煥繼妻楊氏  
李時若妻李氏朱尚禮未婚妻沈氏唐光昕未婚  
妻陳氏程宗浩妻周氏生員江直妻張氏程宗洪  
妻孫氏生員白鰲妻吳氏劉美玉妻巫氏監生諶  
克序妻李氏生員王賁妻陳氏監生王永泰妻竇  
氏楊邦翰妻陸氏生員李宏永妻錢氏江松妻崔  
氏王正清妻汪氏王希賢妻何氏童珦妻夏氏  
張曾為妻周氏監生蔣元吉妻丁氏賀冠妻孫氏  
吳倫世妻宋氏生員徐潮未婚妻蔡氏監生李仙  
經妻顧氏端木正禮妻袁氏汪宗維未婚妻趙氏  
監生談昌懋妻李氏蘇雨璠妻宋氏程式妻王氏

徐灝妻滕氏孫益瞻妻張氏顧時妻鄧氏貢生高  
官護妻張氏曾怡安妻朱氏李廷瑚妻許氏生員

王蔚妻金氏范天恒妻程氏胡志安妻汪氏孫琇  
妻王氏生員孫文肇妻陳氏貞女趙氏並于乾隆

年間 旌表 王廷璠妻裴氏 旬容人夫亡守節又同縣楊  
朝滿妻高氏張祖留妻黃氏張

天馨妻竺氏張為律妻章氏尚昌道妻唐氏朱之  
瑛妻潘氏高建常妻朱氏監生趙明觀妾丁氏朱

之駟妻高氏朱以豫妻吳氏史忠義妻張氏趙永  
著妻姚氏生員尚昌遊妻周氏朱兆芄妻談氏樊

可明妻王氏張季璋妻鄒氏汪洪妻江氏張啟寅  
妻杜氏許冲生妻張氏竺仕為妻譚氏巫啟稅妻

解氏劉朝翰妻黃氏郭茂瑞妻葛氏監生樊一仁  
妻朱氏李仙蟠妻蔣氏趙國枚妻尚氏張洪吳妻

趙氏張右瞻妻許氏劉大興妻魯氏朱勳妻陳氏  
生員李英妻陳氏李茂俊妻陳氏戴熺妻張氏鄭

孔嘉妻仇氏曹坦妻許氏嚴孔鏞妻何氏王家駒  
妻倪氏王永思妻孔氏楊瀛妻謝氏生員王淮妻

張氏周文極妻凌氏徐繼倫妻王氏王肇奇妻孔  
氏王肇岱妻趙氏陳尚秉妻徐氏胡鼎鉞妻宣氏

張美英妻宣氏萬學曉妻王氏葛肇祺妻戎氏沈  
應祥妻王氏孫國璽妻楊氏駱朝樞妻錢氏張德

戴妻趙氏周憲瑜妻仇氏王之寵妻張氏周伯貞  
妻陳氏周岳峰妻余氏戴寧侯妻朱氏周憲鉅妻

王氏王扶妻裴氏監生李秉均妻雍氏戴寧  
侯妻朱氏劉大興妻魯氏王名登妻周氏

倪連妻俞氏尚祚奎妻周氏倪如松妻裴氏王知  
黻妻衛氏王善駒妻曹氏孫瑞琬妻朱氏並於乾

旌  
表  
隆年間  
**謝昶妻陳氏**  
深水人夫亡守節又同縣俞  
生沛妻馬氏俞成旦妻卞氏

李長源妻徐氏王國瑗妻俞氏薛惟勳妻吳氏  
傅可順妻毛氏俞時得妻梅氏俞時正妻周氏卞

豫經妻楊氏經之秦未婚妻蕭氏傳洪基妻陳氏  
傅立正妻張氏吳廷梅妻莊氏徐彥質妻張氏趙

開洪妻張氏司徒人文妻邵氏武駟妻沈氏薛道  
五妻楊氏監生司徒宓妻趙氏陳元紹妻張氏十

豫鐸妻胡氏監生許應舉妻耿氏洪以賢未婚妻  
葛氏生員葉宏彥妻錢氏監生司徒寓妻邵氏並

旌表 於乾隆年間 趙修祺妻普氏 江浦人夫亡守節又  
同縣唐廷枚妻許氏

吳璋妻葉氏毛毓彩妻王氏陳文鎰妻湯氏傅齡  
妻莫氏秦文煥未婚妻楊氏秋夢麟妻胡氏並於

旌表 乾隆七年以來先後 王慶妻汪氏 六合人夫亡守  
節又同縣厲晚

妻曾氏生員曹燦未婚妻陳氏錢貢妻高氏黃學  
炯妻汪氏劉本厚妻裴氏石璘若妻李氏董相儀

妻李氏武舉余國緯妻尚氏帝天序妻李氏袁逸  
妻彭氏項永遜妻許氏洪之登妻陳氏湯銷妻王



氏胡明文妻陸氏監生賀永諧妻湯氏姜宏聲妻  
夏氏唐洪未婚妻李氏郭瑞妻冉氏並於乾隆年

旌表 問 徐宗國妻吳氏 高淳人夫亡守節又同縣劉觀  
標妻胡氏吳位良妻岑氏孔傳

楹妻戴氏吳待學妻談氏芮應廷妻魏氏吳方鉉  
妻葛氏芮明芳妻杭氏孝子吳運鎮孝子吳耆南

葛紹崧妻趙氏周廷萃妻李氏楊仕元妻吳氏  
陳升楫妻徐氏楊懋康妻施氏趙近尹妻邢氏吳

雲妻陳氏唐士俊妻陳氏吳待措妻楊氏唐九歌  
妻甘氏趙錫照妻張氏孔毓錫妻陳氏孫寶隆妻

蔣氏李大立妻黃氏李昌文妻鄭氏李生玉妻孫  
氏生員趙其維妻吳氏李邦毅妻谷氏生員劉震

慶妻孫氏生員邢阜妻徐氏史光贊妻唐氏楊敬  
珏妻孔氏吳晉崧妻孔氏陳道瀛妻史氏谷毓仲

妻夏氏陳其恩妻卞氏陳長齡妻葛氏葛至清妻  
陳氏邢惠人未婚妻谷氏王孟斌妻魏氏趙爾瓌

妻李氏楊洪儀妻葉氏陳朝詢妻孫氏陳共濟妻  
李氏趙晉翼妻邢氏趙養昭妻李氏孔毓昇妻魏  
氏張正礎妻何氏孔毓松妻邢氏李允繼未婚妻  
王氏李之煜妻吳氏孔行球妻傅氏楊鑿泰妻夏  
氏楊毓泰妻夏氏楊純恕妻夏氏孫永觀妻芮氏  
孔傳銘妻劉氏王士蕙妻戴氏孔傳鵬妻楊氏孔  
毓荇妻陳氏孝子周良遇周應心妻李氏周克聖  
妻李氏孔傳榛妻楊氏芮大仁妻陳氏王伊齡妻  
吳氏孫齡祚妻劉氏劉世璋未婚妻張氏韓兩明  
妻黃氏陳宗卜妻趙氏李希萊妻孫氏劉廷朝妻  
陳氏劉開鵬妻徐氏孔毓振妻曹氏孔毓拔妻虞  
氏李大順妻趙氏李錫惠妻趙氏李大顏妻孔氏  
吳錫思妻楊氏劉士佐未婚妻張氏邢之基妻王  
氏李觀妻張氏張協寅妻孫氏邢廷華妻葛氏並  
於乾隆年間先後

姓表

仙釋漢茅盈

漢初元中得道隱句曲人稱茅君盈弟  
求為五官大夫西河太守固為執金吾

各棄官渡江求兄於東  
山其後咸得仙去云

晉葛元

句容人洪從祖吳  
時學道得仙號曰

葛仙公以其煉丹  
秘術授弟子鄭隱

葛洪

字稚川句容人元從孫究  
覽書籍尤好神仙導養之

法從鄭隱學煉丹後師事鮑元元以女妻洪太安  
中石冰作亂洪為將兵都尉攻冰破之遷伏波將

軍冰平洪不踰功賞見天下已亂避地南土元帝  
辟為掾尋遷散騎常侍固辭不就後止羅浮山著

述不輟所著言黃白之事名曰內篇其餘馭雜通  
釋名曰外篇自號抱朴子因以名書餘所著碑誄

詩賦雜文又數百卷洪博文深洽江左  
絕倫冠期而逝舉屍入棺輕如空衣

許邁

字叔元一

名映句容人少恬靜不慕仕進攜同志偏遊名山  
因改名邁字遠遊著書十二篇論神仙之事後莫

知所終好道者皆謂之羽化

### 南北朝宋慧琳

秦縣人姓劉氏有才華兼內外之學

為廬陵王義真所知嘗著均善論頗貶裁佛法文帝見論賞之

### 慧嚴

### 慧議

上元人並

住東安寺學行精整為道俗所推時闕場寺多禪僧都下為之語曰闕場禪師窟東安談易林

### 訶衍

苦節有精理大明中於都下出新經勝鬘經尤見重釋學

### 梁寶誌

宋太始中出鍾

山往來都邑被髮徒跣語默不倫豫言未兆遠近驚赴梁武帝尤深敬事呼為誌公好為識記所謂

誌公符是也

### 陳智顗

華容陳氏子謁慧思禪師悟法華三昧大建時抵建康詔居光宅寺

### 唐王知遠

父雲暹母晝夢鳳集其身因有娠知遠警敏通書傳事陶宏景傳其術為道士

嘗識唐太宗於微時即茅山為觀居之一日謂弟子曰吾今署少室仙伯將行即沐浴衣冠若寢而

牟法融

隱茅山後入幽棲寺石室修道虎鹿馴伏百鳥獻花貞觀中四祖訪之付以燦大師

頓教法門自後法席之盛擬於五代僧祖肩善陰

黃梅其寺與山遂號祖堂云行之術楊行密將攻杭州潛今至城下偵險易反

報曰是腰鼓城也擊之不下又聞其鼓角聲曰錢氏子孫貴盛未易南唐樓霞一名敬真七歲以神

謀也後悉如其言居茅山修道唐主加號真素先生嘗問何道可致

太平對曰王者治身心乃及國家陛下尚未能去饑嗔飽喜

何論太平譚峭煉丹南岳能入水火隱形不見嘗

峭以酒醉而縫以革囊投諸深淵有漁人剖之峭睡正濃呼問曰我譚景升也齊邱奪我化書沉我

於淵睡囊中木平和尚知人禍福唐主召見於百

尺樓木平指樓言曰此宜

望火初不喻其意及淮向交兵龍安山置烽墩應江北嘗登樓以觀動靜其言始驗

宋杯度

嘗乘木杯度水因為號在建康惟荷一蘆岡子擲於地數十人舉之不能得

明冷謙

音語

律能畫裳為仙奕國人爭傳之明初以黃冠入見高帝授協律郎因事忤旨將誅召至便殿謙請飲

少水就死帝許之左右以小罌盛水至謙先以一足納罌中已而漸沒呼謙輒應視之乃空罌耳帝

命辟之左右執罌呼之片片皆應

慧忠

得法於威禪師生

平一衲不易器用惟一鐺嘗有粟二廩賊寃之虎為之守縣令張遜入山謁問有何徒曰三五人

曰可見乎忠擊牀者三有三虎哮而出其神異多類此

土產

線緞

紗

葛布

出句容縣

石

出句容縣茅山石之次王者又

有雨花臺石出府城南聚寶山靈巖石出六合縣靈巖山慈石出六合縣治山一名吸鐵石

石墨

出茅山紙出六合縣謂之六合箋又府境舊亦出紙有故紙官署在長樂橋側江寧

縣志云齊造銀光紙處也

鮭魚

揚子江出

達摩菊

出六合縣花小如錢色白味甘相傳

達摩所植惟產長蘆寺者佳

蒼朮

出句容茅山者佳

靛

出江浦縣

黃蓮香

句容

茅山

頗陵

上元縣志頗陵土人呼為蒞菜劉禹錫嘉話錄蒞本是頗陵

簫管竹

黃元之丹陽記簫管竹出慈姥山歷代嘗給樂府

銅鐵

唐志溧水縣有銅舊志銅鐵俱出句

赤山

容縣

欽定大清一統志卷五十三




蘇

州

府

固

蘇州府圖







蘇州府表

兩漢

三國吳

晉

宋齊

梁陳

隋

唐

五代

宋

元

明

蘇州府

會稽郡  
秦置郡漢初為荆西治存改吳

吳郡

吳郡

吳郡

吳郡  
梁分置信義郡陳有吳州

吳郡  
開皇初廢郡改蘇州並廢信義郡大業初復吳州

蘇州  
武德初復蘇州天寶初改置吳道屬蘇州

蘇州  
吳越表置中吳軍節度

平江府吳郡  
初曰蘇州吳郡太平興國三年改平江軍節度政和三年升府屬兩浙西路

平江路  
屬浙江行省

蘇州府  
洪武初改府直隸南

內景帝四年  
平覆為會稽郡復漢分置吳郡

吳縣

吳縣  
秦會稽郡治復漢吳郡治

吳縣  
郡治

吳縣  
郡治

吳縣  
郡治

吳縣  
郡治陳州

吳縣  
郡治

吳縣  
州治

吳縣  
州治

吳縣  
府治

吳縣  
路治

吳縣  
府治

長洲

吳縣地

長洲縣  
萬歲通天初折吳縣

長洲縣  
州治

長洲縣  
府治

長洲縣  
路治

長洲縣  
府治

吳縣地

常縣陽新 縣山崑 縣和元 縣

英昆陵二  
縣地

崑山縣

崑山縣

崑山縣

崑山縣  
梁天監中初與信義  
分婁縣置復廢開皇  
信義縣大十八年復  
同初又置屬吳郡  
崑山縣

崑山縣  
省入常熟

崑山縣  
屬蘇州  
置治州郭  
元二年  
改長洲軍  
大恩五年  
復為縣

崑山縣

崑山縣  
屬平江府

崑山縣  
元貞初升  
州屬平江  
路

崑山縣  
洪武二年  
降縣屬蘇  
州府

崑山縣  
府治長洲  
縣地州本  
朝雍正二  
年析置

崑山縣地  
本朝雍正  
二年析置

縣熟

改定四庫全書

太原四年  
析兵縣置  
屬吳郡

東晉元帝  
劉海虞北  
境立郡  
利城祝其  
原邱西臨  
襄貢七縣  
寄治曲河  
後俱徙廢  
南沙縣  
屬晉陵郡

海陽縣  
齊置屬晉  
陵郡

南沙縣

梁置屬信  
義郡

海陽縣

信義郡

南沙縣

郡治

常孰縣  
梁置屬信  
義郡

前京縣  
梁置屬信  
義郡

興國縣

省入常孰

廢

常孰縣  
初省南沙  
縣入焉移  
治屬吳郡  
廢入常孰

初省南沙  
縣入焉移  
治屬吳郡  
廢入常孰

廢入常孰

廢入常孰

武德七年  
移治屬蘇  
州

屬平江府

元貞初升  
州屬平江  
路

初為州洪  
武三年復  
為縣屬蘇  
州

縣澤震 縣江吳 縣文昭

			梁置屬仁 義即
		松陵鎮地	
	吳江縣 梁開平三 年吳越分 屬縣地置 屬蘇州		
		吳江縣 屬平江府	
		吳江州 元貞初升 州屬平江 府	
		吳江縣 洪武初降 屬蘇州	
吳江縣地 本朝雍正 二年析置			常熟縣地 本朝雍正 二年析置